



# ତୁମି ଆମ ଆମି

ତ୍ରୀବିଧାୟକ ଭଟ୍ଟାଚାର୍ଯ୍ୟ

ଷ୍ଟାଣ୍ଡାର୍ଡ ବୁକ କୋଂ  
କଲିକତା

প্রকাশক  
শ্রীঅমূল্যকুমার চট্টোপাধ্যায়  
ষ্ট্যাণ্ডার্ড বুক কোং  
২১৬, কর্ণওয়ালিস স্ট্রীট, কলিকাতা

দ্বিতীয় সংস্করণ  
শুভ উদ্বোধন ৩রা ডিসেম্বর ১৯৪১

প্রথম সংস্করণ  
—দাম এক টাকা—

প্রিন্টার শ্রীরসিকলাল পান  
গোবর্দ্ধন প্রেস  
২০৯, কর্ণওয়ালিস স্ট্রীট, কলিকাতা

## ভূমিকা

এই নাটকখানি আমি লিখেছি কিছুদিন আগে, এবং অত্যন্ত তাড়াতাড়িতে। বিখ্যাত নৃত্যশিল্পী বঙ্কুর সময়ঘোষ এই গল্পটি আমাকে বলেন, এবং এটিকে নাটক করবার জন্ত অনুরোধ করেন। ফলে মাধ্য সাপ্তাহিক অভিনয়ের জন্ত নাটকখানি আমি লিখতে বাধ্য হই। নানা কারণে নাটকখানি একটু বিলম্বে মঞ্চস্থ হয়েছে, যাই হোক—অন্ততঃ মঞ্চস্থ হয়েছে এই সাক্ষ্যনা।

এর গল্পের মধ্যে যেটুকু অবাস্তবতা ও চরিত্র-চিত্রণে যেটুকু অতিরঞ্জন আছে, সেটুকু এই বলে স্বেহের চোখে দেখতে হবে—যে হাসির নাটকে সেটুকু না থাকলে চলে না। জোরালো গল্পের অভাব অনেকেই হয়ত এই নাটকে অনুভব করবেন। তাঁদেরও জানিয়ে রাখা প্রয়োজন, যে কেবলমাত্র গল্প বলবার জন্তই এই নাটক আমি রচনা করিনি, প্রতিটি দৃশ্যই স্বতন্ত্র ভাবে বাতে রসসৃষ্টিতে সক্ষম হয় সে বিষয়ে লক্ষ্য রেখেছি।

নাটকখানি মঞ্চস্থ করবার পূর্বে প্রজ্ঞাপদ ত্রীযুক্ত বামিনী মিত্র, ত্রীযুক্ত দুর্গাদাস বন্দ্যোপাধ্যায় ও ত্রীযুক্ত সময় ঘোষ, যথাক্রমে প্রয়োজনা, পরিচালনা ও নৃত্য পরিকল্পনার জন্ত ষ্ণে পরিশ্রম করেছেন, তা সত্যই বিস্ময়কর। বিশেষ ক'রে দুর্গাদা, প্রতিটি মহলায় উপস্থিত থেকে নট-নটীদের অভিনয় শিক্ষা দিতে যে অমাত্রব্যবিক পরিশ্রম করেছেন, তা আমার প্রতি তাঁর অপরিণীম স্বেহেরই নিদর্শন। শঙ্কবাদ জানিয়ে তাকে আমি ছোট করতে চাই না।

বাইরে ধারা এই নাটক অভিনয় করবেন, তাঁরা প্রথম দৃশ্বে সখীর ও স্বেহের নাচ বাদ দিয়ে সেখানে গানটি গাওয়াবেন এবং সম্ভবত চীৎকার

ও মেয়েদের লক্ষবাক্ষের মধ্যে আটিকে প্রবেশ করাবেন। মাঝের দৃশ্বেও নাচ বাদ দেবেন, শুধু শেষ দৃশ্বে অভিনয়াংশে রাজার সম্মুখে অলকানন্দাকে একবার নাচাতেই হবে, অগ্রান্ত নাচগুলি বাদ দিয়ে স্থান কথা কালোপযোগী দিয়ে পূরণ ক'রে নিলেই চলবে।

আরও একটি প্রধান কথা। এই নাটকের দ্বিতীয় দৃশ্বে অনেকদিন আগে প্রখ্যাত সুরশিল্পী ও সঙ্গায়ক বঙ্কুর অনিল ভট্টাচার্য ও আমার লিখিত 'অতি আধুনিক' নামক নাটকখানির কয়েকটি চরিত্রের ছায়াপাত হয়েছে। এর জন্ত অনিলদার কাছে আমি আগে থেকেই ক্ষমা চেয়ে রাখছি।

১৭, বোলপাড়া লেন  
কলিকাতা

}

বিদ্যাসক ভট্টাচার্য

শ্রীযুক্ত সমর ঘোষ

ও

শ্রীমতী অরুণা দাসকে

বঙ্কিম্বের নিদর্শন স্বরূপ এই নাটকখানি দিলাম ।

বিধায়ক

শ্রীমাননুমানন্দ

## স্বীকারোক্তি

নাটকের গল্পটি বলে দিয়েছেন	...	শ্রীযুক্ত সমর ঘোষ
„ পরিবর্তন ও পরিবর্তনের ইঙ্গিত দিয়েছেন	...	শ্রীযুক্ত ষামিনী মিত্র শ্রীযুক্ত হুর্গাদাস বন্দ্যোপাধ্যায়
„ গান লিখে দিয়েছেন	...	শ্রীযুক্ত শৈলেন রায়
„ সুর দিয়েছেন	...	শ্রীযুক্ত নিতাই মতিলাল
„ নাচ দিয়েছেন	...	“শ্রামসুন্দর”
„ পরিচালনা করেছেন	...	শ্রীযুক্ত হুর্গাদাস বন্দ্যোপাধ্যায়
প্রযোজনা করেছেন	..	শ্রীযুক্ত ষামিনী মিত্র
„ পটভূমিকা পরিকল্পনা ও অঙ্কন করেছেন	...	শ্রীযুক্ত মণীন্দ্র দাস

এঁদের সকলকেই আমার সক্রিয়তম ধন্যবাদ জানাচ্ছি।

১৭, বোসপাড়া লেন,

ত্রিবিধায়ক ভট্টাচার্য্য

কলিকাতা

২২শে অগ্রহায়ণ ১৩৪৮

## —ভূমিকাবলী—

প্রমত্ত	...	ডলির অশিক্ষিত স্বামী, ( ৩য় দৃশ্বে চণ্ডকৌশিক )
শতদল	...	সবুজ সমাজের ডাইরেক্টর ( „ „ অরূপ )
মলয়	...	„ „ মিউজিক ডাইরেক্টর
সমীর	...	„ „ ডান্স ডাইরেক্টর
বিজয়	...	„ „ আর্টিষ্ট
কেতন	...	„ „ আর্টিষ্ট ( ৩য় দৃশ্বে উগ্রসেন )
শিবশঙ্কর	...	ন্যাঙ্গির দাছ
অনন্ত	...	দর্শক
বিতান	...	অধার
বঙ্কল	...	প্রম্পটার
উড়ে ঠাকুর	...	লেডিজ হট্টেলের ঠাকুর
সোম্য	...	লীলাবতীপুরের মন্দির পুরোহিত
রাজ সচিব	...	„ রাজার সচিব
গ্রামবাসীগণ		

আন্টি :—		লেডিজ হট্টেলের লেডি সুপারিন্টেন্ডেন্ট
কিটি :—	}	ছাত্রীগণ ... পরে... অলকানন্দা
মিলি :—		
রিণা :—		
ডলি	... ..	প্রমত্তের তৃতীয় পক্ষের স্ত্রী
ন্যাঙ্গি	... ..	শিবশঙ্করের নাতনী
হট্টেলের অন্তান্ত মেয়েরা	...	পরে দেবদাসীগণ



## চরিত্র ও রূপশিল্পী

প্রমত্ত ও চণ্ডকৌশিক—	শ্রীযুক্ত দুর্গাদাস বন্দ্যোপাধ্যায়
বিজয়—	” কৃষ্ণধন মুখোপাধ্যায়
কেতন—	” সত্য মুখোপাধ্যায়
শতদল ও অরূপ—	” নীতীশ মুখোপাধ্যায়
সমীর—	” সমর ঘোষ
মলয়—	” দেবী চক্রবর্তী
শিবশঙ্কর ও উগ্রসেন	” জীতেন গাঙ্গুলী
অনন্ত—	” কৃষ্ণচন্দ্র মুখোপাধ্যায়
বিতান—	” উমাপদ দাস
উড়ে ঠাকুর—	” শৈলেন বোস
সৌম্য—	” স্বধাংশু মিত্র
রাজ সচিব—	” সহদেব গাঙ্গুলী
কানাই—	” শ্রীমতী বেখা দত্ত
গ্রামবাসীগণ—	” বীরেন দাস, প্রভাত দাস, মাষ্টার নেপালচন্দ্র বসু, স্বধীর বসু, ভুবনেন্দু নিয়োগী, উপেন্দ্র রায় ও শেখ লতিফ

আলি—	শ্রীমতী গিরীবালা
কিট ও অলকানন্দা—	” অরুণা দাস
মিলি—	” পদ্মাবতী
ডলি—	” রেণুকা রায়, পরে শ্রীমতী ছায়া দেবী
রিণা—	” অঞ্জলী রায়
জালি—	” রমা ব্যানার্জী
অহুশীলা—	” বেলারাণী ( ছোট )

হোটেলেস মেয়েরা ও দেবদাসীগণ :—বেলারাণী, মেহ ব্যানার্জী, রমা ব্যানার্জী, আশা, বীণা প্রভৃতি

# তুমি আর আমি

—আগে—

এক

লেডিজ হোষ্টেলের হল। মিলি একা একা  
বসিয়া একটি বিলাতী ম্যাগাজিনের  
পাতা উন্টাইতেছিল। বাক্সি ৯টা  
বাজিয়া গিয়াছে। কিটি ক্রতপদে  
প্রবেশ করিল এবং মিলির হাত  
হইতে ম্যাগাজিন খানি কাড়িয়া লইল

কিটি। খেতে যাবিনে ?

মিলি। নাঃ।

কিটি। কেনরে ? কী হ'ল তোর ?

মিলি। ভাল লাগেনা আর এভাবে একা একা সময় কাটাতে। একঘেয়ে,  
রুটিন বাধা জীবন ! নো জয়, নো প্রিন্স...Rotten !

## তুনি আর আনি

কিটি । বিয়ে কর !

মিলি । ঐটিই বাকী আছে ।

কিটি । ও ! তাহ'লে ভাবছিস বিয়ে সম্বন্ধে ?

মিলি । আমার ভাবার দরকার নেই, বাবা মা ভাবছেন ।

কিটি । আমারও তাই ।

মিলি । সকলেরই তাই

কিটি । আমরা যেন সমাজের দামী দলিল, খুব যত্ন ক'রে ভালো চাষি দিয়ে আমাদের বন্ধ ক'রে রাখা হয়েছে ।

মিলি । যা বলেছিস ! নিজেকে নিয়ে যে একটু আনন্দ করবো, তারও সুবিধে নেই ।

কিটি । তবু যা হোক সবুজ সমাজের প্লেটা আসছে, তাতেই ছ-একটা দিন মুক্তি পাওয়া যাবে । কি বল ?

মিলি । হ্যাঁ । কিন্তু আজ একটা Chance গেল

কিটি । কী রকম ?

মিলি । সুপারিন্টেন্ডেন্ট আজ গেছেন—তঁার বোনঝির বাড়ীতে নেমস্তন্ন খেতে । বলে গেছেন রাত্তিরে ফিরতে পারবেননা । আমরা যেন শাস্ত শিষ্ট মেয়ের মত থাকি—কোন গোলমাল না করি ।

কিটি । হুররে ! আন্টি আজ নেই হোট্টেলে ! এতক্ষণ সে কথা বলিসনি কেন ?

মিলি । বললেই বা কী সুবিধে হতো ?

কিটি । অসুবিধেই বা কী হতো ? রিহারশ্বালে সমীরদাকে আটকে রাখতুম ।

মিলি । যদি রাখতে পারতিস, তাহ'লে বড্ড ভাল হ'ত ভাই ! আজ সারাটা রাত নেচে আর গান গেয়ে কাটিয়ে দিতুম ।

## তুমি আর আমি

কিটি। সমীরদাকে একটা ফোন ক'রে দেব ?

মিলি। না ভাই, ও রিস্কে কাজ নেই। দরওয়ান ব্যাটার যা কুচুটে বুদ্ধি, হয়ত আন্টিকে বলে দেবে।

কিটি। ঠিক। ওঃ ! ঈশ্বর পৃথিবী থেকে দরওয়ান নিপাত করে।

মিলি। বা বলেছিচ্ছ !

কিটি। মরুকগে যাক্ ! জীবনের সব রাত্রিই যেমন ব্যর্থ হচ্ছে, আজকের রাত্রিও না হয় তাই হবে। তুই গান গা। সেই গানটা জীবন খাতার পাতা থেকে।

মিলি। আর জীবনখাতা ! প্রাণের সঙ্গে দেখা নেই, শুধু গান দিয়ে নিজেকে আর কত ভোলাব ! যাক্ গানই গাই—শোন।

### গান

জীবনখাতার পাতা থেকে—

একটা পাতা যাক্ না উড়ে।

ঝোড়ো হাওয়ার নাচের তালে

ঝবা পাতার মতন ঘুরে।

আগুন ভবা ফাগুন দিনে—

গানেব মাঝখানে ছুটিয়া যরে ঢুকিল রিণা

আনন্দ তাহার মুখে চোখে উপচাইয়া

পড়িতেছিল। সে আসিয়া মিলির

কাণে কাণে কী কহিল। মিলি

চেরার ছাড়িয়া লাকাইয়া উঠিল

## তুমি আর আমি

---

মিলি। বাঃ ! সত্যি বলছি !

রিণা। হ্যাঁরে !

কিটি। কী হয়েছে ভাই ! আমায় বলবিনে ?

মিলি। ভগবান তোমার মনোবাঞ্ছা পূর্ণ করেছেন কিটি ! সুবিখ্যাত  
নৃত্য শিল্পী সমীর বোস আজ সানির হাতে বন্দী। বাগানে  
সানির সঙ্গে হাওয়া খাচ্ছিলেন, ৯টা বেজে গেছে খেয়াল নেই।  
গেট বন্ধ হয়ে গেছে।

কিটি। হব্বে !

মিলি। বিণা, বন্দীকে এখানে এনে হাজির কবো। তাকে আজ শাস্তি  
নিতে হবে।

রিণা। O. K.

চলিয়া গেল এবং একটু পরেই সমীৰকে  
আনিয়া হাজির করিল

সমীর। ব্যাপার কী ?

কিটি। অপরাধ করেছেন, শাস্তি নিতে হবে।

সমীর। শাস্তিটা তাহ'লে চটপট দিয়ে ফেলো দেবী ! কারণ আমায় এখনি  
যেতে হবে।

মিলি। কলা ! গেট বন্ধ হ'য়ে গেছে সে খেয়াল আছে ?

সমীর। এঁা !

মিলি। হ্যাঁ।

সমীর। One night in Ladies hostel ? সে যে ভয়ানক  
কথারে বাবা !

## ভূমি আর আমি

মিলি। কিছু ভয়ানক কথা নয়। আন্টি গেছেন তাঁর বোনঝির বাড়ীতে  
নেমন্তন্ত্র খেতে—রাস্তিরে আসবেননা। অতএব আমরা রাস্তির  
জাগবো!

সমীর। কিন্তু আন্টি নেই বলে—সেই আনন্দে তোমরা রাস্তির জাগবে?

মিলি। ই্যা।

সমীর। তা' আমায় কী কবতে হবে?

কিটি। নাচতে হবে।

সমীর। সারা রাস্তির ধবে আমায় নাচাবে? কিন্তু কাজটা কি খুব ভাল  
হবে? মানে—পাত্তটোত আমার রক্তমাংসের?

কিটি। আমরাও নাচবো যে!

সমীর। ও! হুঃখটাকে ভাগ ক'রে নেবে? বেশ, surrender করা  
ছাড়া আর যখন কোন উপায় নেই, তখন surrender করলাম।

কিটি। Thats like a good boy.

সমীর। কিন্তু আমি অবাক হচ্ছি এই ভেবে যে বিকেল বেলায় রিহারতালে  
অত নাচ নেচেও তোমাদের আশা মিটলোনা? আচ্ছা, আন্টি  
যদি হঠাৎ এসে দেখেন যে রাস্তি সাড়ে নটার পরেও তোমরা  
জেগে আছো—আর তোমাদের ঘরের মধ্যে একটি যুবক, এবং  
তাকে নিয়ে তোমরা মাতামাতি মানে নাচানাচি করছো—  
তাহলে কী হবে?

মিলি। কিছু হবেনা। এক সঙ্গে সকলের ফাঁসীর অর্ডার হ'য়ে যাবে।  
কিন্তু নিশ্চিন্ত থাকুন—আন্টি আজ আর আসছেন। যা হবেনা,  
হতে পারেনা, তা নিয়ে মাথা ঘামিয়ে লাভ নেই। ঠাকুর!  
ঠাকুর!

## তুনি আর আমি

নেপথ্যে । ষাউচি মিসি বাবা ।

সমীর । ঠাকুর ! ঠাকুর কী হবে ? সেও নাচবে নাকি ?

মিলি । পাগল নাকি ? ঠাকুর নাচবে কি । ঠাকুর যাবে বাজারে কিছু মাংস আনতে । নাচবো ট্যাপ্ আর খাবো পুঁইডগা-কুচোচিংড়ী এ কিছুতেই হতে পারেনা । বিলিভী নাচের বিলিভী খানা ।  
যার যা । ঠাকুর ! ঠাকুর ! ও ঠাকুর !

উড়ে ঠাকুবের প্রবেশ

মিলি । ঠাকুর । লক্ষ্মী মাণিক আমার । তোমায় একটা কাজ করতে হবে ।

ঠাকুর । ইয়ে—এন্ত রন্তেড়ে কোঁড কাম অছি বপা,—মু পরিবি হ্বেই ।

মিলি । কাজটা ভীষণ দরকারী যে ! করতেই হবে । আহা ! জানেন সমীরবাবু, আমাদের এই ঠাকুরটি যে কী ভাল, সে মুখে বলে বোঝাতে পারবোনা । আমাদের জন্তে প্রাণ দিতে পারে ।

সমীর । তাই নাকি ! ঠাকুবও প্রাণ দিতে পারে ?

মিলি । হ্যাঁ । আর কী রকম বাধ্য । যখন যা বলি, তখনই সে কাজ ক'রে দেয় । রাত তিনটের সময়ও যদি বলি—“ঠাকুর ওঠতো, পার্কের মাঠে একটু হাওয়া খেয়ে এসতো বাবা ! এক সেকেণ্ড দেবী করবেনা । তখনই হাওয়া খেতে চলে যাবে । ওর হাতের রান্না খাবার সময় রোজ ছবেলা আনন্দে আমাদের চোখ দিয়ে জল পড়ে । আহা ! এমন মানুষ আর হয়না । কাজটা বড্ড দরকারী যে ঠাকুর !

ঠাকুর । কুও ! কোঁড কাম অছি । চঞ্চড় কুও ।

## তুমি আর আমি

মিলি। এই নাও পাঁচ টাকার নোট। একটা টাকা তুমি নিও, আর বাকী টাকাটা দিয়ে আমাদের সকলের জন্ত কিছু রান্না মাংস কিনে নিয়ে এসো—কেমন ?

ঠাকুর। এত রস্তুড়ে মান্‌সো কোউটি পাইব ?

মিলি। পাবে পাবে ঠাকুর, খুব পাবে। কোলকাতা সহরে পয়সা দিলে বাঘের চোখ পাওয়া যায়—আর পাঁঠার মাংস পাওয়া যাবেনা ? মনে নেই, তুমিই তো একদিন রাত্রি ১ টার সময় এক পয়সার ইসপ্‌গুল্‌ এনে দিয়েছিলে ! মনে নেই ?

ঠাকুর। হঁ হঁ মনর অছি।

মিলি। (হাসিয়া) তবে ? তুমিই আনো আবার তুমিই ভুল করো। যাও ! আর দেখ, এই যে বাবুটিকে দেখছো, ইনি আমার মাসতুতো ভাই। আমরা আজ এঁর কাছে নাচ শিখবো। (নিয়কর্থে) আন্টিকে যেন এঁর কথা বলে টলে দিওনা বাপু ! আর দরওয়ানকেও বোলোনা—বুঝেছ ?

ঠাকুর। হ হ সে মু বুঝচিস্তি !

হাসিয় প্রস্থান করিল। এই কথাবার্তার মধ্যে হোস্টেলের অন্তান্ত মেয়েরাও ঘরে ঢুকিতেছিল

কিটি। মিলি ready হ'য়ে নে !

মিলি। না, বাবা, গেলবার একদিন নেচেই আমাকে আণিকা থারুটি খেতে হয়েছিল। মা আমার নাচতে বারণ ক'রেছে !

কিটি। এবার না হয় টু হান্ড্রেড খাবি !



## ভূমি আর আশি

মিলি। লাখ খেলেও না।

সমীর start দিয়া নিজে নাচিতে  
আরম্ভ করিল। উল্লাসের নৃত্য।  
একদিকে কিটি, মাঝখানে সমীর,  
আর একদিকে মিলি। একটা নাচ  
শেষ হইয়া আর একটা নাচ আরম্ভ  
হইল। যখন ইহাদের নৃত্য উদ্দাম  
হইয়া উঠিয়াছে তখন হঠাৎ বাহির  
হইতে তীব্র কণ্ঠে আওয়াজ আসিল

নেপথ্যে। কী আরম্ভ করেছ তোমরা ? মিলি !

মুহূর্ত্ত মধ্যে নাচ ও সঙ্গীত শুরু হইয়া  
গেল। মেয়েরা কেহ-টেকবিলের নীচে,  
খাটের নীচে—বাথরুমে ঢুকিয়া  
পড়িল। ঘর একেবারে ফাঁকা হইয়া  
গেল। দাঁড়াইয়া রহিল সমীর—কিটি  
ও মিলি ; তাহাদের মুখ সাদা হইয়া  
গিয়াছে

নেপথ্যে। কিটি আমার ঘরে এস।

মিলি। বাচ্ছি আশি ! ( নিম্নকণ্ঠে ) সর্কনাশ ! কী হবে সমীর বাবু,  
আশি এসে পড়েছেন।

সমীর। রিভলভার আছে রিভলভার ? নেই। তবে পটাসিয়াম  
সায়নাইড, কার্বলিক এ্যাসিড, আফিং কি টিক্কার আইডিন বা  
হোক কিছু একটা দিবে আমার বাঁচাও !

## ভূমি আর আনি

মিলি। সে সব কিছুই নেই যে !

সমীর। কিছুই নেই ! তবে এক গ্লাস জল দাও ।

মিলি। কিটি !

কিটি। আমি এখন বেরোতে পারবো না বাপু। আন্টি তোমায় ডেকে গেছেন, এখুনি যাও, নইলে কেলেকারী হবে ।

মিলি। আর কেলেকারী (সমীরকে) আপনি একটু—কি করবেন ? বসুন !  
কিটি, তুই আয়না ভাই আমার সঙ্গে—আমি যে—

সমীর। এতগুলো মেয়ে এখানে থাকো, অথচ আত্মহত্যা করবার কোন সুবিধে ক’রে রাখেনি ! হ্যাসেন্স !

নিজেব গলা দুই হাতে চাপিয়া ধরিল  
এবং তৎক্ষণাৎ ছাড়িয়া দিল

সমীর। ওরে বাবারে ! লাগছে। নাঃ, এভাবে হবে না। কি করি ?  
এদিক ওদিক চাহিতে লাগিল

কিটি। যা করবেন রিণার ঘরে গিয়ে ককুন গে। বলি এলো যে।

রিণা। গেছিরে বাবা ! আসুন—hurry up.

সমীর ও রিণার প্রস্থান

আন্টির প্রবেশ। রাশভাবী চেহারা, বয়স বছর চল্লিশ

আন্টি। কী ভেবেছ তোমরা ? যেই বলেছি আজ রাস্তিরে আসবো না,  
অমনি মাতামাতি আরম্ভ করেছ ?

মিলি। না আন্টি !

## ভূমি আর আমি

আন্টি। না আন্টি মানে? সমস্ত বাড়ীটাতে এতক্ষণ ভূমিকম্প হচ্ছিল,  
আবার না বলছো কোন মুখে? প্রার্থনা করেছিলে?

মিলি। না।

আন্টি। Shame—Shame মানে লজ্জাব কথা। ধিক্কার সব মেয়ে, এখনও  
তোমাদের ছেলেমানুষি গেল না! রাত্রি এগারোটার সময়  
যেই যেই করে নাচ? দেবো সব দূর ক'রে! আজ বাদে  
কাল তোমাদের প্লে, এখন নেচে শরীর খারাপ করলে—সেদিন  
কী করবে শুনি? বল, কেন নাচছিলে?

কিটি। আমাদের এক বন্ধুণী-মানে বান্ধবী, আজ—এসেছে। সে এখানে  
থাকেনা কি না—তাই। সে খুব ভাল নাচতে পারে কিনা  
তাই—তাই—আমরা একটু নাচ দেখছিলাম।

আন্টি। নাচ দেখছিলে তো সবাই মিলে নাচছিলে কেন?

কিটি। না। নাচটা ভাল বলে একটু একটু শিখে নিচ্ছিলাম আন্টি।

আন্টি। বান্ধবী এসেছে? কোথায় থাকে?

মিলি। মী—মীরাটে।

আন্টি। মীরাটের মেয়ে? বান্ধবী! ও! তা কাল সকাল বেলায়  
নাচালেইতো ভাল হ'ত! মিছেমিছি রাত্রি জেগে শরীর নষ্ট  
করা। বান্ধবী এসেছে।

কিটি ও মিলি যেন বুকে একটু বল  
পাইল

কিটি। আপনি চলে এলেন? খাওয়া হয়েছে তো!

আন্টি। হ্যাঁ খাওয়া হয়েছে। সেখানে বড্ড মশা। তাই ভাবলাম

## তুমি আর আমি

ফিরেই যাই। ঠাকুরকে বলতো আমায় এক মাংস জল দিয়ে  
যেতে।

মিলি। ঠাকুরকে—ঠাকুরকে আমি পাঠিয়েছি একটু মাংস আনতে। বান্ধবী  
এসেছে—তাই—

আন্টি। তা' বেশ কবেছ। অতিথি এলে এ ব্যবস্থা কবতেই হয়। চলো  
—তোমাব বান্ধবীর সঙ্গে আমাব আলাপ কবিয়ে দেবে।

( কিটির মুখ আবার সাদা হইয়া গেল )

মিলি। আচ্ছা, তা—সে তো সানিব ঘরে আছে—আমি --আমি—তাকে  
ডেকে আনি।

আন্টি। আচ্ছা।

মিলি চলিয়া গেল

কিটি। আন্টি। আপনার চশমাটায় এত ময়লা পড়েছে—ছি ছি ! দিন  
আমি পুঁছে দিচ্ছি।

আন্টি। দাও। পরিষ্কার করবাব সময় পাইনি, একটা থিসিস্ লিখছি  
কিনা।

কিটি। সর্বনাশ !

আন্টি। কি হ'ল ?

কিটি। চশমাটা হাত থেকে পড়ে ভেঙ্গে গেল আন্টি।

আন্টি। দেখ দিকি কি কাণ্ড করলে। একটা থিসিস্ লিখছি।

কিটি। কাল সকালেই ওটা ঠিক ক'রে আনিয়ে দেব আন্টি ! আজ  
রাস্তিরে আর লেখাপড়া নাই করলেন !

আন্টি। তাই হবে। দেখ দিকি চশমা না হ'লে আমি কিছু ভাল ক'রে

## ভূমি আর আমি

দেখতে পাইনে—কি মুন্সিল। বত সব ছেলে মানুষ। কাল  
সকালেই ওটা দোকানে পাঠিয়ে দিও—কেমন ?

কিটি। আচ্ছা।

প্যাসেজের উপর নাবীবেন্দী সমীর  
ও মিলিকে দেখা গেল

মিলি। সব সময় আমার মুখের দিকে চেয়ে থাকবেন, যে ভাবে চলতে  
বলবো, সেইভাবে চলবেন, যা করতে বলবো তাই করবেন। মনে  
রাখবেন আপনি আমাদের বান্ধবী।

সমীর। বান্ধবী !

মিলি। হ্যাঁ বান্ধবী। মীরাটে থাকেন। বেড়াতে কোলকাতায় এসেছেন।  
আম্বন।

রিণা। এই যে আন্টি, ইনিই আমাদের বান্ধবী।

আন্টি। এই বুঝি তোমাদের বান্ধবী ? ( সমীর নমস্কার করিল ) হ্যাঁ,  
পশ্চিমের মেয়ে বলে মনে হয় বটে ! যেমন লম্বা, তেমন চওড়া।  
জায়গাই আলাদা। আমরা যেখানে চেঞ্জে বাই, এরা সেখানে  
জন্মায় ! সহজ কথা ? বেশ—বেশ—কী নাম তোমার ?

সমীর ঢোক গিলিল

মিলি। ওর নাম শীলা।

আন্টি। শীলা ! একটু লজ্জাশীলা বুঝি ?

মিলি। হ্যাঁ।

আন্টি। তা বুঝতেই পারছি ! কী পড়ছো ?

সমীর করুণ চোখে কিটির দিকে চাহিল

## তুমি আর আমি

কিটি। ও কথা কইতে পারে না আন্টি। ও বোবা!

আন্টি। বো-বা! Good heavens! এমন চমৎকার মেয়ে বোবা!  
প্রভু কখন যে কাকে কী করেন বলাই যায় না। Sad! তা  
শুনতে টুনতে পায়তো?

মিলি। তা পায়।

আন্টি। ভাবী বেঁচে গেছে। কালা আর বোবা একসঙ্গে হলেতো  
সর্বনাশ হতো। তুমি বুঝি ভাল নাচতে পারো—না শীলা?

সমীর। (বোবার ভঙ্গীতে) আ—বা!

কিটি। ও বলছে পারি।

মিলি। আচ্ছা, দেখবো তোমাব নাচ কাল সকালে। আজ এখন বিশ্রাম  
কবগে। কিটি, ওকে নিয়ে যাও। হ্যাঁ, তাওতো—বটে,  
তোমাদের ছোট ছোট Single বেড—সেখানে শুতে ওরতো  
কষ্ট হবে। আচ্ছা তার চেয়ে এক কাজ করো, আজ রাত্রে মত্ত  
শীলা আমার কাছেই শুয়ে থাকবে।

মিলি হঠাৎ জোরে জোরে কাশিয়া উঠিল।

আন্টি আগাইয়া আসিয়া কিটির  
মাথা চাপড়াইতে লাগিলেন

আন্টি। বলি এত ক'রে ঠাণ্ডা লাগিও না, কথা তো শুনবে না।  
আমি তা হ'লে যাচ্ছি। খাওয়া দাওয়া সেয়ে-শীলা তুমি এসো  
আমার ঘরে। দেখ দিকি—চশমাটা—মেরেটির মুখটাও ভাল  
ক'রে দেখতে পেলাম না!

## ভূমি আর আশি

আশি চলিয়া গেলেন। সমীর হঠাৎ  
আন্তনাদ কবিতা উঠিল

সমীর। হার্টফেল করো—ভগবান হার্টফেল করে দাও! নইলে আজ  
আর আমার রক্ষে নেই।

মিলি। আঃ! কি সব বকছেন পাগলের মতো! শুনতে পাবে যে!

সমীর। আর শুনতে পাবে। না শুনাই যখন এতদূর এগিয়েছে, তখন,  
শুনতে পেলে বেশী ক্ষতি কি হবে?

মিলি। আবোল তাবোল বকবেন না। চুপচাপ গিয়ে—লক্ষ্মী ছেলেটির  
মানে মেয়েটির মত আশির পাশে গিয়ে শুয়ে পড়ুন গে। ভোর  
হবার আগেই আমরা আপনাকে ডেকে দেবো।

সমীর। অগত্যা।

কিটি। দাঁড়ান, খাবেন না?

সমীর। আর খেয়ে কাজ নেই। লাখি বাঁটা যা খাবার সবই আশির  
ঘরে গিয়েই খাবো! কি বিপদে পড়লাম বল দেখি! আচ্ছা  
পালাবো?

মিলি। এখন পালাবেন কি করে? বাড়ীর Main Gateএ তালা পড়ে  
গেছে, সেটা খোলা থাকলে না হয় Compoundএর পাঁচিল  
ডিক্রিয়ে পালাতে পারতেন,—কিন্তু তার কোন উপায় নেই।  
এখন পালাতে হ'লে আপনাকে এই ছাদ থেকে লাফিয়ে পড়তে  
হবে।

সমীর। (জানালা দিয়া দেখিয়া আসিল) ওরে বাবা—অনেক নীচে,  
না পারবো না, তাহ'লে আশির ঘরেই বাই, কি বল?

## তুনি আর আন্নি

---

কিটি। হুঁ। সাবধানে থাকবেন, মনে বাখবেন আপনি বোবা,—বাস্।  
খুব ভোরে গেট খুলে দবোষান আধঘণ্টার মত মুখ ধুতে চান  
কবতে যায, সেই সময় আপনাকে বার করে দেব।  
সমোব। আচ্ছা। তাই যাই। আন্টি...বোবা...বাক্ববী...unmanagable।  
কাঁপিতে কাঁপিতে প্রস্থান কবিল।



দুই

আন্টি বসিয়া আছেন। কল্পিত পদে  
সমীর প্রবেশ কবিল, আন্টি উঠিয়া  
দাঁড়াইলেন

আন্টি। এস শীলা! থাওয়া হয়েছে?

সমীর ঘাড় নাড়িল

আন্টি। এটা কি কাপড়? জর্জেট? (সমীর ঘাড় নাড়িল) তাহ'লে  
দামী কাপড় থানা কুঁচকে নষ্ট করে ফেলোনা, (আলনা হইতে  
নামাইয়া) এই মিলের শাড়ীখানা পবে।

সমীরেব হাতে কাপড়খানা দিলেন, কাপড়  
শুদ্ধ সমীরেব হাত ধরথব করিয়া  
কাঁপিতে লাগিল

আন্টি। এখানে কাপড় ছাড়তে লজ্জা কবছে? মেয়েদের কাছে মেয়েদের  
লজ্জা কী? এত লজ্জা কেন? বেশী লজ্জাতো এই নরম  
মাটির বাংলা দেশেই আছে বলে জানতাম—শুকনো পশ্চিমেও  
লজ্জা কম নেই দেখছি। আচ্ছা আচ্ছা—বাথরুমে যাও।

সমীর কাঁপিতে কাঁপিতে বাথরুমের  
দিকে চলিয়া গেল। আন্টি  
চীৎকার করিয়া ডাকিলেন—ঠাকুর!  
ঠাকুর! একটু পরে ঠাকুর প্রবেশ  
করিল

## ভূমি আর আশি

ঠাকুর । মতে ডাকুচি আঁটি মা ?

আশি । মাংস এনে দিয়েছ ?

ঠাকুর । হঁ । সে মু দেউচি পরা ।

আশি । সকলেব খাওয়া দাওয়া হবে গেছে ?

ঠাকুর । হঁ । হয় গলানি ।

আশি । কাল খুব সকালে উঠবে, আব বাজারে গিয়ে ভাল দেখে মাছ  
তবকারী নিয়ে আসবে । নতুন একটি মেয়ে এসেছে হাষ্টেলে, তার  
খাওয়া দাওয়ার দিকে একটু লক্ষ্য রাখবে,-বুঝেছ ?

ঠাকুর । হঁ সে বুঝি পাবিছি ।

আশি । এখন বাও এক গ্লাস জল চট ক'রে এনে দাও ।

ঠাকুর চলিয়া গেল এবং জল লইয়া  
আসিল । সে যখন জল লইয়া যবে  
টুকিতেছে, তখন বাথরুম হইতে  
সমীবও মিলের শাড়ী পরিয়া বাহির  
হইয়া আসিল । তাহাকে দেখিয়া  
ঠাকুরের হাত হইতে জলেয় গ্লাস  
মাটিতে পড়িয়া গেল । সে হাঁ করিয়া  
সমীবের মুখের দিকে চাহিয়া রহিল

আশি । অকস্মার ঢেঁকি । দিলেতো জলটা ফেলে ? বাও, আর এক  
গ্লাস জল এনে ঢাকা দিয়ে রেখে বাও ।

ঠাকুর চলিয়া গেল

আশি । এস শীলা.....আব রাত্রি জেগোনা, গুরে পড়ো, নেচে একটু  
tired ও হয়েছ বোধ হয় ।

## তুনি আর আন্টি

আন্টি আগে শুইয়া পড়িলেন, ঠাকুর  
এক গ্লাস জল ঢাকা দিয়া রাখিয়া  
গেল। আন্টি আপন মনেই বলিতে  
লাগিলেন

আন্টি। কী যে বদ অভ্যেস ক'রে ফেলেছি, সারা রাত্তির আলো না  
জ্বললে আমার ঘুম হয় না। তোমার কোন অসুবিধে হচ্ছে  
নাতো? (সমীর ঘাড় নাড়িল) শুয়ে পড়ো।

সমীর শুইয়া পড়িতেই তাহার পায়ের  
কাপড় উঠিয়া গিয়া প্যান্ট বাহির  
হইয়া পড়িল। সে তৎক্ষণাৎ উঠিয়া  
বসিয়া কাপড় টানিয়া দিল এবং  
আবাব শুইয়া পড়িল

আন্টি। ভাল ক'রে শোও, অত ধারে শুয়েছ কেন? পড়ে বাবে যে  
শীলা!

এই বলিয়া তিনি তাঁহার গায়ে হাত  
দিতেই সমীর ভেউ ভেউ কবিয়া  
কাদিয়া উঠিল। আন্টি অবাক হইয়া  
তাহাকে বলিলেন

আন্টি। কী হয়েছে? কঁাদছো কেন শীলা? ওমা একি! চিরকাল  
জানি পুরুষেরাই মেয়েদের মত বিনিয়ে বিনিয়ে কঁাদে, মেয়েরাও  
যে পুরুষের মত ভেউ ভেউ ক'রে কঁাদে এত তুনি? পশ্চিমের  
কারা বুঝি? ও! কী হয়েছে? মার জন্তে মন কেমন বছে?

## তুমি আব আমি

---

আহা । বোবা কিনা বলতেও পারে না । বলো—আমায় বলো—  
শীলা ।

এই বলিয়া তাহার চিবুক ধরিয়া আদর  
করিবার চেষ্টা কবিত্তেই সমীর তডাক্  
কবিয়া বিছানা হইতে নীচে লাফাইয়া  
পড়িল এবং ভবে ভয়ে বলিয়া ফেলিল

সমীর । আমি শীলা নই আন্টি—আমি সমীর !

আন্টি । সমীব ! সমী—My God ! my goodness !

সমীর । ওরে বাবারে !

এই বলিয়া সে তাহার শাড়ীখানি খুলিয়া  
কাঁধে ফেলিয়া টোচা দৌড় দিল,  
আন্টি স্বেলিংসন্ট স্বেলিংসন্ট বলিয়া  
চীৎকার কবিত্তে লাগিলেন সঙ্গে সঙ্গে  
দৃশ্যের যবনিকা পড়িল

## —মাঝে—

শতদল সেনেব ড্রয়িং রুম। সন্ধ্যা বেলা।

অভিনেতা অভিনেত্রীগণ কেহ বসিয়া

কেহ দাঁড়াইয়া আছে। দৃশ্য সরিষাব

সঙ্গে সঙ্গেই দেখা গেল ডলিও শতদল

এ্যাঙ্কিং করিতেছে। আঁটি নিবিষ্ট-

চিত্তে গুনিতেছেন

শতদল। তোমার জীবনে আমি ছাড়া আর কেউ নেই, এই কথাই কি  
আমাকে বিশ্বাস করতে হবে ?

ডলি। করহ বিশ্বাস।

ঘরে মোর মন নাহি লাগে।

দেয়ালের মাঝে আমি পারি না কাটাতে

নিরানন্দ দিন আর তৃপ্তি হীন রাত।

শতদল। কী করতে হবে তাই বলো না !

ডলি। চলো যাই বোম্বাই প্রদেশে।

আছে মোর বহু টাকা ; তুমি হবে ডিরেক্টর

আমি হবো অভিনেত্রী ভারতের মাঝে।

কপোত-কপোতী সম দৌহে মোরা কাটাইব কাল।

শতদল। ছেলে মানুষের মত বাতা একটা বললেইতো হ'ল না ! যা সম্ভব  
সেই কথা বলো !

## ভূমি আর আন্নি

ডলি। পারিবেনা বোঝাই বাইতে ! হায় হায় !

নিরদয় পুরুষ পাষণ ! রাখিলে না নারীর প্রার্থনা ?

তবে চলো চলে বাই মেট্রো কি এলিটে

দেখে আলি গ্যারী কি গেরলে ।

প্রাণ মোর হউক শীতল ।

শত । সাড়ে ৯ টার 'শোতে ! পাগল নাকি ? ঠাণ্ডা লাগবে বে !

ডলি । পায়ে ধবি প্রাণনাথ, লয়ে চলো মোরে !

মিলি খিলখিল করিয়া হাসিয়া উঠিল

ডলি ঘব হইতে বাহির হইয়া গেল

আন্টি । ও কী হচ্ছে মিলি ?

মিলি । কী আন্টি ?

আন্টি । সব কটা দাঁত বার ক'রে হাসছো কেন ?—ও রকম হাসি বর্কর যুগে মেয়েরা হাসতো । এখন হাসতে হবে ডিগ্রী হিসেব ক'রে !

মিলি । আপনি দেখিয়ে দিন আন্টি ।

আন্টি । ফরটি ডিগ্রী এ্যাক্সল—ফরটি ডিগ্রী এ্যাক্সলে হাসতে হবে, আর চোখের দৃষ্টি বাঁকা ক'রে ফেলবে সেভেন্ টু এইট ডিগ্রীতে ।  
follow me. এই রকম ক'রে ।

আন্টি দেখাইয়া দিলেন মিলি চেষ্টা করিল

আন্টি । হচ্ছেনা, হচ্ছেনা, মলয় মেপে দাও !

মলয় একটি স্কেল দিয়া মিলির চোখ মুখের

ডিগ্রী নির্দেশ করিয়া দিল

আন্টি । চেষ্টা কর, চেষ্টা কর । কী রকম লোক সব আসছে সেটা মনে

## তুমি আর আমি

রেখো। বিশেষ ক'রে আমি যখন তার নিয়েছি—তখন একেবারে perfect না করতে পারলে, আমি সমাজে মুখ দেখাতে পারবো না। কি বল শতদল ?

শত। আজ্ঞে হ্যাঁ, তাতো বটেই।

আন্টি। কিন্তু কী আশ্চর্য্য ! এত করে বুঝিয়ে দিচ্ছি—তবু মিলির মাথায় ঢুকছেন। আজ কালকান মেয়েগুলোই হয়েছে এমন—এই ছাথনা পরন্তু রাতে কী কাণ্ডটাই কবলে ! শেষকালে বলে কিনা ফাষ্ট এপ্রিল।

মলয়। তার জন্তু তো ওরা ক্ষমা চেয়েছে।

আন্টি। হ্যাঁ, ক্ষমা চেয়েছে—১ ২ ৩ ৪ ৫ ৬ ৭ ৮ ৯ (ক্রোধ প্রশমনের জন্তু চট্ করিয়া গুনিয়া লইলেন) আর ক্ষমা আমি করেছিও। কিন্তু এগুলোত ভাল নয়।

মলয়। তাতো বটেই।

আন্টি। সে যাকগে, তোমার গানটা গাওতো মিলি ! শুনি কেমন দাঁড়াল।

মিলি জোরে জোরে গাহিয়া উঠিল

আমাব গানের মাঝে প্রাণের পরশ দাও

আমার মাঝে যে সুর আছে তারে তুমি নাও।

মলয়। Stop Stop ! একী কাণ্ড ? এত চোঁচাচ্ছেন কেন মিলিদেবী ? নদীর এপারে দাঁড়িয়ে কি ওপারের কোন লোককে ডাকছেন ?

মিলি। না। বলে দিন।

মলয়। বতবার বলবেন ততবারই বলে দেবো ! গান গাইবেন চীৎকার

## ভূমি আর আন্নি

ক'রে ? দাঁত চেপে চেপে-আন্তো আন্তো ক'রে বাণী উচ্চারণ  
করুন ।—

গাহিয়া দেখাইয়া দিল

মিলি । নাকী স্নবে গাইব ?

মলয় । নাকী ? হ্যাঁ, তা একটু নাকী হলেত বেশ ভালই হয় ।

মিলি । আচ্ছা ।

মিলি গাহিল

আন্টি । ঠিক হয়েছে এবার ।

বঙ্কল । এই যে মাদাম !

আন্টি । তাহ'লে প্রথম সিনের আর্টিষ্ট সব হাজির আছে যখন, তখন  
সিনটা আরম্ভ কবে দিন ! বঙ্কলবাবু !

বঙ্কল । এই যে মাদাম !

আন্টি । আরম্ভ করুন—আরম্ভ করুন—প্রথম থেকে আরম্ভ করুন !

বঙ্কল আগাইয়া আসিয়া বই খুলিয়া

জোরে জোরে বলিতে লাগিলেন ।

‘প্রথম অঙ্ক প্রথম দৃশ্য । বিজ্ঞান

অরণ্য, কাল রাত্রি ১২টা । স্নলেখা

একাকিনী দাঁড়াইয়া বলিতেছে

আন্টি । Ready স্নলেখা—মিলি ?

মিলি । Yes আন্টি !

আন্টি । বলো-বলো । কই শতদল, এগিয়ে এসো । সেখো কেমন  
হচ্ছে ।



## ভূমি আর আমি

বকল পড়াইতে লাগিল এবং মিলি pose

লইয়া আবৃত্তি করিতে লাগিল

আমি হেথা একাকিনী বিজন কাননে—

শতদল । আঃ ! কী করছো মিলি ! জিনিষটা এমন অগোছালো ক'রে  
বলছো কেন ? ওতে বেশ একটু বেদনাব শিহরণ থাকবে ।

মিলি । বেদনার শিহরণ কী ক'রে দেখাব ?

শতদল । আহা দেখাতে হবে কেন ? অনুভব করো,—অনুভব করো !  
একটা অনির্বচনীয় উৎকর্ষা, একটা অকথিত পরিস্থিতি...  
একটা অবশুস্তাবী সর্বনাশের মুখে এসে দাঁড়িয়েছো ।

মিলি । কী কব্বেতে হবে বাংলা ক'রে বলুননা, আমি আপনার কথা কিছু  
বুঝতে পারছিনে !

আন্টি । উনি বলতে চাইছেন যে একটা painful attitude মানে  
যন্ত্রণাদায়ক ভঙ্গী—বুঝেছ ?

মিলি । না বুঝিনি, তবে দেখি চেষ্টা ক'রে ! বলুন বকল বাবু !

বকল পড়িতে লাগিল । মিলি বলিতে লাগিল

আমি হেথা একাকিনী বিজন কাননে ।

শঙ্কাকুল অন্তর সন্তরি, যতদূর দেখিতেছি

সুবিস্তীর্ণ নিরাশার অকূল সাগর ।

বীপ দিব নিষ্করণ নদীজল মাঝে ?

বকল বলিল—অশানবাসীর প্রবেশ

আন্টি । কোথায় অশান-বাসী ?

পিছন হইতে বিজয়—এই যে স্তার ! মানে ম্যাডাম ।

## তুমি আর আমি

আন্টি। এ হু'দিন আসেননি কেন ?

বিজয়। আজ্ঞে একটুখানি পার্ট বলবার জন্ত সেই ট্যাংরা থেকে রোজ আসা—

আন্টি। তাই আসতে হবে। নইলে accept মানে স্বীকার করেছিলেন কেন ?

বিজয়। আজ্ঞে, স্বীকার করেছিলাম কিন্তু মনে করুন সেই ট্যাংরা থেকে—

আন্টি। আপনার শিশুর পার্ট করবে কে ?

বিজয়। কেতন। সেও মনে করুন চিংড়ী হাটায় থাকে—

শতদল। দেখুন আপনারা হু'জনেই থাকেন ট্যাংরা আর চিংড়ীহাটায়, আপনাদের যোগ দেওয়া উচিত ছিল মেছোবাজার ক্লাবে।

বিজয়। আজ্ঞে হ্যাঁ। মেছোবাজারে জয়েন করলে এতদিন বিকিয়ে যেতুম—এখানে বলেই এখনো আছি।

শতদল। এখন পার্ট বলুন।

বিজয়। বলান।

বঙ্কল প্রম্পট করিতে লাগিল

বিজয়। কেয়ে ! কেয়ে হেথা একাকিনী বিষণ্ণা বালিকা !

শঙ্কা ও সঙ্কটে ভরা প্রশ্নানের মাঝে—

ক্রন্দনে বিদীর্ণ কর অমা-নিশীথিনী !

শতদল। আঃ ! চেষ্টাছেন কেন বাঁড়ের মত ? এটা একটা আশ্বস্তির ইঙ্গিত, একটা পরমানন্দের প্রতীক, একটা বিশ্বাসের বিশ্বস্তিগাশ—বুঝেছেন ?

বিজয়। আজ্ঞে না।

## তুমি আর আমি

শতদল । আঃ Rubbish ! Take your Seat. পাঁচটা গড়ুন ভাল  
ক'রে ছ'চারবার ।

বিজয় । যে আজ্ঞে ।

শতদল । কেতন বাবু !

কেতন । ( পিছন হইতে ) আজ্ঞে—

শতদল । এদিকে আসুন । আপনাব পাঁচ কেমন তৈরী হয়েছে ?

( কেতন সম্মুখে আসিল )

কেতন । আজ্ঞে গুরুদেবের চেয়ে ভাল হয়নি ।

শতদল । কেন ?

কেতন । দেখুন, সেটা করা উচিত নয় বলেই করিনি । নইলে ওর চেয়ে  
ভাল পাঁচ যে আমি করতে পারিনে—তা'নয় ; তবে করিনি—  
কারণ এক জায়গা থেকে ছ'জনে আসি, নিজেদের মধ্যে চটাচটি  
করাটাতো ভাল নয়—কি বলুন ?

বিজয় । করনা তুই ভাল পাঁচ ! কে তোকে বারণ করছে ?

কেতন । রাগ করছিন্ কেন ভাই ? হাতীবাগান ক্লাবে—মনে করে  
দেখনা, আমি করেছিলাম চন্দ্রগুপ্ত আর তুই করেছিলি ঘাতক ।  
তাহোক—চটাচটি আমি করবোনা ।

শতদল । বলুন আপনার পাঁচ বলুন ।

কেতন । উত্তাল তরঙ্গ মাঝে কে ওই বালিকা

ঝাঁপ দেছে আত্মহত্যা লাগি ? সঁতার

জানেনা, ভাই ঘন ঘন খাবি খেয়ে

গিলিতেছে জল । মনে হয়, অবিলম্বে

তুলিবে পট্‌অল্ । হায়রে যেমতি, কালীঘাটে

## ভূমি আর আমি

যুগকাষ্ঠ পরে কচি কচি ছাগ শিশু দল,  
বার দুই “ব্যা” “ব্যা” বলি—জীবলীলা করে  
সম্বরণ।

শতদল। কিস্তি হয়নি।

কেতন। কোনটা হয়নি স্তার? ব্যাব্যা টা, না জীবলীলা সম্বরণ?

শতদল। কোনটাই হয়নি।

কেতন। সেকি স্তার? আমি তো regular বাড়ীতে ছাগল গুখে আওয়াজ  
নকল করেছি।

বিজয়। তাই আওয়াজটা ছাগলের মত হয়েছে, পার্ট হয়নি। ছাগল দিয়ে  
কি যব মাড়ানো যায় স্তার?

কেতন। কি বলবো, তোর সঙ্গে চটাচটা করবোনা তাই—নইলে—

বিজয়। যা যা!

শতদল। Take your Seats. Next!

শতদল। কই বঙ্কল বাবু! প্রম্পট করুন!

বঙ্কল। দ্বিতীয় দৃশ্য বলাবো?

শতদল। হ্যাঁ।

বঙ্কল বই পড়িল

বঙ্কল। বিলয়ের বাহিরের ঘর। বিলয় গান গাহিতেছে।

আন্টি। মলয় এগিয়ে এস। এই ব'য়ে তোমার পার্টটা, ছোট কেননা  
এটা afterpiece! মূল নাটক ‘মৃত্যুতীর্থে’ তোমার পার্ট  
তৈরীতো?

মলয়। হ্যাঁ আন্টি!

## তুমি আর আমি

আন্টি। এই বইয়ে তোমার গানখানা Ready হয়েছে ?

মলয়। হ্যাঁ।

আন্টি। গাও।

### মলয়ের গান

চাঁদেব আলো মোরে

ডাকিছে প্রিয়তমা—

মাধবী বনে যেথা

মাধুরী আছে জমা।

যেখানে ফলে ফুলে

জীবন ওঠে তুলে

তটিনী নেচে চলে

নটিনী মনোবমা।

বিদায় আজি রাতে বিদায় প্রেয়সী গো—

জ্যোছনাময়ী প্রিয়া আমার প্রেয়সী গো—

তোমাব মধুরাতি

পাবে গো পাবে সাধী

আমার এ গ্লান বাতি

নিভিলে কোরো কমা।

শতদল। আচ্ছা এ গানটা কি জমবে ?

আন্টি। Certainly, International—International, বা  
কল্পে—সব আইডিয়াকে কল্পে হবে International মানে  
বাকে বলে আন্তর্জাতিক্। blend করো blend, করো

## তুমি আর আমি

শতো, নইলে আর রক্ষে নেই। আজকের দিনে শুধু ভারতীয়  
সঙ্গীত চলবে না—চলবে বিশ্ব-সঙ্গীত। একটি গানের মধ্যে  
মিশে যাবে ইংল্যান্ড, জার্মানী, ফ্রান্স, ম্যারিকা, জাপান,  
চায়না, বালীগঞ্জ-বাগবাজার—বুঝেছ ?

শতদল। বুঝেছি।

শিবশঙ্করবেব সহিত ন্যাসির প্রবেশ

মিলি। এস ত্রাসি। আন্টি! এবই কথা আপনাকে বলছিলাম;  
বেবতীব পাট কব্বে।

আন্টি। বেশ—বেশ। কী তোমাব নাম ?

ত্রাসি। ত্রাসি চ্যাট্‌জি।

আন্টি। খুব Modern মানে আধুনিক নাম। গান গাইতে পারো !

ত্রাসি। হ্যাঁ।

আন্টি। বাঃ! Recite কব্বে পারো ?

ত্রাসি। হ্যাঁ।

আন্টি। বেশ—বেশ। একটু recite কব দেখি।

ত্রাসি কাশিয়া লইয়া আরম্ভ করিল

এমন দিনে তারে বলা যায়

এমন ঘন ঘোর বরিষাধ—

এমন মেঘস্ববে বাদল ঝবঝরে তপন হীন ঘন তমসায় ॥

সে কথা শুনিবে না কেহ আর—

নিভৃত নির্জন চারিধার

হৃদয়ে সুখোমুখী—

## তুমি আর আমি

শিব। হেই হেই! ধাম্! আজকাল বুঝি লুকিয়ে এই সব হ'চ্ছে?  
কী আমার স্মৃথরে। বাদলার বাজারে কেউ কোথাও থাক্বে  
না, উনি মুখোমুখি বসে চাড্ডি মনের কথা কইবেন। “ওরে  
আমাব তুমি।”

আণ্ডি। Disgusting।

শতদল। আপনি কী বলতে চাইছেন?

শিব। বলতে টলতে আমি কিছু চাইনে মশায়। নাতনীর সখ চেপেছে  
থিয়েটার কব্বে, তাই একটু থিয়েটার করাতে নিয়ে এলাম।  
তাই বলে চরিত্র খারাপ কব্বে দেব নাকি?

শতদল। চরিত্র খারাপেব কি দেখলেন?

শিব। বাকীই বা কী রইল? এই সব যাচ্ছেতাই পণ্ড বললে ক'দিন  
আর চরিত্র ঠিক থাক্বে? ইংরেজী লেখাপড়া শেখাচ্ছি বলে  
কি ইংবেজ হ'তে দিব নাকি? হারামজাদী, চল আজ বাড়তে।

জ্ঞানি। বায়ে! আমি কি কব্লুম?

শিব। চোপ্ চোপ্। মেয়ে একেবারে তক্তা বানিয়ে দেবো। পণ্ড  
বলবিতো পণ্ডর মত পণ্ড বল! বা শুন্লে ইহকালও ঠিক  
থাক্বে পরকালও টলবেনা। বাইরে ওই সব জুতো জামা বা  
দেখছেন মশায়, ভেতরে চুঁ চুঁ! ভেতরে সব গঙ্গা-স্তোত্রম্!  
এই বল—গঙ্গাস্তোত্রম্।

জ্ঞানি। (কলের পুতুলের মত)

দেবী সুরেশ্বরী ভগবতী গঙ্গে

ত্রিভুবন তারিনী তরল তরঙ্গে

## তুমি আর আমি

শিব । ভক্তি ক'রে বল ।

ন্যাসি হাত জোড় করিয়া বলিতে লাগিল

দেবী সুরেশ্বরী ভগবতীগঙ্গে

ত্রিভুবন তারিনি ওরল তরঙ্গে ।

শঙ্কর মৌলি-বিহারিণি বিমলে

মম মতিরাস্তাং তবপদ কমলে ॥

শিব । আহা ! প্রাণ জুড়িয়ে গেল ।

এই বলিয়া হাত জোড় করিয়া তিনিও

নাতনীব সহিত ছলিয়া ছলিয়া

বলিতে লাগিলেন ।

শ্রাস্তি ও শিব । ভাগীরথি সুখদায়িনি মাত—

স্তব জলমহিমা নিগমে খ্যাতঃ

নাহং জ্ঞানে তব মহিমানং

ত্রাহি কৃপাময়ি মামজ্ঞানমঃ ।

আন্টি । Nasty ! ( রাগিয়া চলিয়া গেলেন )

শতদল । মিলি !

মিলি । Yes !

শতদল । এইবারে একটা ক'রে লোটো আর কখন সকলের হাতে হাতে  
ধরিয়ে দাও ।

মিলি । বা বলেছো । এরা যে রিহার্ডালটাকে হরিদ্বার বানিয়ে তুললে ।

বিজয় । কেতন !

কেতন । ভাই !



## ভূমি আর আশি

বিজয় । চেয়ে দেখ্ কৌ পবিত্র দৃশ্য ।

শতদল । Shut up. ( শিবকে ) আপনাব স্তোত্রপাঠ শেষ হয়েছে ?

শিব । ( তখনও চোখ বুঁজিয়া ছলিতেছিল ) হ্যাঁ ।

শত । ব্যস্, এইবার গঙ্গান্নান ক'বে বাড়ী চলে যান ।

শিব । কেমন লাগলো ? হ্যাঁ হ্যাঁ। এ বাবা মাইকেল মধুব লেখা নয়—

এ হ'ল গিয়ে খোদ শঙ্কবাচার্য্যেব ব্যাপাব । ( নমস্কাব ) আহা ।

কি কবিই ছিলেন । অমন আব হবেনা । চিত্তশুদ্ধি হ'ল আজ ।

বিজয় । লেকি মশায় ? কালিদাস ? কালিদাসেব কথা বলছেন না ।

শিব । বাখুন মশায় । কালিদাস আব শঙ্কবাচার্য্য । একজন পুরুষ,  
আর একজন মহাপুরুষ ।

শত । তা হ'লে এবাব বাড়ী চলে যান । দবকাব হ'লে আমরা থবব  
দেব ।

জ্ঞান্দি । পবশু তো প্লে—আর কবে থবব দেবেন ? আজই বা হোক কিছু  
ঠিক করে দিন না ।

শত । আপনাকে পাট দেওয়া আমাদের পক্ষে মুস্তিল । কাবণ আপনাব  
দাঙ্ আপনাকে গঙ্গাস্তোত্রম্ ছাড়া আর কিছু বলতে দেবেন না ।  
কেমন মশায় —তাইতো ?

শিব । হ্যাঁ, শঙ্কবাচার্য্য ছাড়া আর কাকব পদ্য বলা চলেবে না ।

শত । ওই দেখুন । আচ্ছা আপনার আশ্রমের ঠিকানা দিবে যান ।  
থবর দেব ।

শিব । চলে আর ভটা !

জ্ঞান্দি । বাবে । কিছুই যে হ'ল না ।

## ভূমি আর আমি

শিব । আর হ'য়ে কাজ নেই । চলে আর ।

জ্বালি । ( শতকে ) খবর দেবেন তো ?

শত । হ্যাঁ ।

শিবশঙ্কর ও ন্যাসি প্রস্থান করিলে  
ডলিকে লইয়া আন্টি প্রবেশ  
করিলেন । তিনি অত্যন্ত চট্টয়া-  
ছিলেন, আসিয়াই বলিলেন

আন্টি । শতদল । এই যে তোমার পার্টনার ! 'ডুয়েট'টা গাও দেখি ।

শতদল ও ডলির গান

শত । চঞ্চল চরণের শিজিনীতে

এলো বুঝি বন্দীর মন জিনিতে

রক্তিম গুণ্ঠন কুণ্ঠিত পায় ( হায়, হায়, হায় )

ডলি । ছুঁথের সরসীতে প্রাণ শতদল

বন্ধের মধুভারে করে টলমল

চক্ষের জলে তার বুক ভেসে যায় ( হায়, হায়, হায় )

শত । মৌবন-মৌবন গুঞ্জন হীন

উচ্ছল বৈভব ব্যর্থতা নীন

সন্ন্যাসী হ'ল তাই বসন্ত বার ( হায়, হায়, হায় )

ডলি । কোথা ভূমি মৌ-লোভী মৌমাছি গো

তব পথ চেয়ে হেথা আমি আছি গো

উত্তলা চিত্ত পদ পরশন চায় । ( হায়, হায়, হায় )

## তুমি আর আমি

পানের শেষে সবেগে প্রমত্ত চক্রবর্তীর  
প্রবেশ। ডলি তাহার তৃতীয় পক্ষের  
দ্বী। সে প্রবেশ করিলে দেখা  
গেল তাহার এক পাটি জুতা পায়ে  
ও আব একপাটি জুতা হাতে

প্রমত্ত। কেটে একেবারে ছ'খানা ক'রে ফেলবো।

ডলি। ওঃ! কেটে ছ'খানা কব্লেই হ'ল! দাও দেখি গারে হাত,—  
কত বড় মুরোদ তোমার।

প্রমত্ত। আমি মারলে তুই কি করতে পারিস?

ডলি। কী কব্লে পারি একবার মেরেই আখনা!

প্রমত্ত। আমি তোকে ঠিরাটার করতে দেব না।

ডলি। আমি থিরেটার করবো। তোমার মরা বাবা এসে পায়ে ধরলেও  
আমি শুনবো না।

প্রমত্ত। মুখ সামলে কথা বলিস্ ডলি।

ডলি। তুমিও মুখ সামলে কথা বোলো মিঃ চক্রবর্তী।

প্রমত্ত। ঝাড়ু মারি তোর মিঃ চক্রবর্তীর মুখে। আমার কথার জবাব  
দে। তুই দিনের পর দিন যা ইচ্ছে তাই করবি, আর আমি  
দাঁড়িয়ে দাঁড়িয়ে দেখবো! আমি তোকে বিয়ে করেছিলাম কি  
তোর ট্যান্সি ভাড়া গুণবার জন্তে?

ডলি। তোমার টাকা দেখে আমি তোমাকে বিয়ে করেছিলাম, নইলে  
আমার মত আধুনিক মেয়ে তোমার মত কিপ্টেকে বিয়ে  
করতো না। আমার চলাকেরায় বাধা দিও না বলছি।

## ভূমি আর আশ্রি

Public meeting, Social gathering, Garden party,  
if I do avail, whats that to you ?

প্রমত্ত । কেন ভয় পেয়ে এবাব ইংরেজী ধরলি কেন ? যা বলবি বাংলার  
বল না ; নইলে তোব কথার জবাব দেব কী ক'রে ?

আশ্রি । আ গেল যা । পথ থেকে এ লোকটা ঘরে ঢুকে পড়লো কেন ?

মিলি । ঐ তো ডলির স্বামী ।

আশ্রি । ওই ডলির স্বামী ।

প্রমত্ত । হ্যাঁ, তাতেও কি আপনার আপত্তি আছে নাকি ।

আশ্রি । my goodness !

প্রমত্ত । আ গেল যা । ( আশ্রির প্রস্থান )

প্রমত্ত । থিয়েটার তাহ'লে তুই কববি ?

ডলি । হ্যাঁ ।

প্রমত্ত । করাচ্ছি তোকে থিয়েটার ।

ডলি । কী করবে তুনি ?

প্রমত্ত । জী হত্যা কব্বো ।

ডলি । ওঃ । জী হত্যা অমনি করলেই হ'ল । পুলিশ নেই ? কোর্ট নেই ?

প্রমত্ত । আরে রেখে দে তোর কোর্ট আর পুলিশ ।

শত । আহা ! করেন কি মশায় করেন কি ?

প্রমত্ত । ছেড়ে দিন মশায় । আপনাদের আদ্বারা পেয়েইতো ও এমন  
হয়েছে । সিঁছর পরা অবধি ছেড়ে দিয়েছে ।

ডলি । সিঁছরে চুল উঠে যায় ।

প্রমত্ত । ওই শুধুন । আজ আর তোর রন্ধে নেই ।

শত । পাপল মাকি ? কুতো রাখুন—কুতো রাখুন ।

## ভূমি আর আমি

প্রমত্ত । আরে ! এরা তো বড় গঙগোল বাধালে ! পরিবারের সঙ্গে  
আলাপ করছি, তাতে আপনাদের কী মশায় ?

শত । এই আপনাদের আলাপ ! তা পরিবারের সঙ্গে আলাপ ঘরে গিয়ে  
আপনি সপরিবারে করুনগে তাতে আমাদের কিছুই বলবার  
নেই । কিন্তু এটা তো আপনার গেরস্থালী নয় ।

ডলি । দেখুন দিকি । দিন রাত্তির এই হাঁপানীর রুগীকে আগলে,  
ব'সে থাকা ভাল লাগে কি ?

কাঁদিয়া উঠিল

শত । ( নিম্নকণ্ঠে ) তা কি লাগে ? কিন্তু বিয়ে করেছিলেন কেন ?

ডলি । ( চুপি চুপি ) অনেক টাকা আছে যে !

প্রমত্ত । তাহ'লে তুই থিয়েটার করবিই ?

ডলি । ( কাঁদিয়া ) হ্যাঁ ।

প্রমত্ত । করগে বা !

জুতা পায়ে দিল

শত । বাঁচা গেল । যান ডলি দেবী শীগগির স্কাট পরে আসুন ।

ডলি দৌড়াইয়া চলিয়া গেল, প্রমত্ত বসিয়া

বসিয়া ঘাম মুছিতে লাগিল । একটু

পরে কী ভাবিয়া শতকে ডাকিল

প্রমত্ত । ও মশায় শুনুন !

শত । কী বলুন ।

আগাইয়া আসিল

প্রমত্ত । পরিবার তো মশায় থিয়েটার করবেই । করকগে বাক্—

## তুমি আর আমি

কি বলুন ? আমি মশায় কান্না দেখতে পারিনে, কাঁদতে দেখলেই আমারও কি রকম কান্না পায় ।

শত । আপনার উদার প্রাণ ।

প্রমত্ত । একশো বার ! এই যে কথাটি বললেন ইটি হচ্ছে লাখ কথার এক কথা । আরে মশায় বলবো কি—তিনটি বেলা আমাকে ওষুদ খেতে হয়,—একটু হাঁপানী ভাব আছে কিনা । তা মনে করুন—দ্বী তো সে সব করবে না, আর তৃতীয় পক্ষের দ্বীকে দিয়ে সে সব করানো উচিতও নয় । তাই সকালে সর্কশাস্তি বটিকা খেতপুত্তের রস দিয়ে—বিকেলে ভাস্করবজ্র জল দিয়ে ইঁা, শুধু জল দিয়ে ; আর রাত্রে সিংহবিক্রম বটিকা মৃগনাভি আর ধানকুনি পাতার রস দিয়ে নিজে হাতে বেঁটে খাই । আমার উদার প্রাণ হবে না তো উদার প্রাণ হবে আপনার ?

শত । তাতো বটেই ।

প্রমত্ত । কিন্তু মশায় আমার যে আর একটা কথা ছিল ।

শত । বলুন ! বলুন !

প্রমত্ত । পরিবারকে ভেতরে ছেড়ে দিয়ে আমি তো মশায় বাইরে থাকতে পারবো না । ওসব ভীড়ে ভীড়াকারের মধ্যে আমি নেই ।

শত । তাহ'লে কি করবেন ?

প্রমত্ত । কি আবার করবো ! ঠিগাটার করবো ।

শত । আপনি ?

প্রমত্ত । ইঁা ! ওল খাওয়ার মত মুখ করছেন কেন ? আমি কি ঠিগাটার করতে পারি না ?

শত । তা পারেন বৈ কি ! কিন্তু পার্টতো—

## ভুঝি আর আঝি

প্রমত্ত । ওরই মধ্যে সহজ দেখে এক ফালি ছাড়ুন না ভাই । আমার ভেতরে থাকা নিয়ে কথা । শুধু শুধু বসে থাকবো, তার চেয়ে একটু ঠিয়াটার করা ভাল ।

শত । আচ্ছা—রাজা—রাজার পার্ট করতে পারবেন কি ?

প্রমত্ত । রাজা ? তা' পয়সা কড়ি যখন আছে, তখন রাজার পার্ট কেন করতে পারবো না ? মব্তে টব্তে হবে না তো মশায় ?

শত । না—না ।

প্রমত্ত । দেখবেন ! মরতে ভয় করে । ইঁপানীর রোগী মরে পড়ে আছি, হঠাৎ কেশে ফেললুম বুঝলেন না ?

শত । না—না মরতে হবে না । আচ্ছা কাল থেকে আসবেন তাহ'লে রিহাসর্গালে কেমন ?

প্রমত্ত । আচ্ছা ।

শত । আপনি বসুন । আমি দেখি আন্টি কোথায় গেলেন ।

প্রমত্ত । আংটি ! আংটি তো হাতেই আছে ।

শত । আংটি নয় আন্টি ।

প্রমত্ত । বুঝেছি । অল্প রকমের গয়না হারিয়েছেন তো ! দেখুন খুঁজে ।

শতদল চলিয়া গেল । ঘরে বিজয় আর কেতন ছাড়া আর কেহ ছিল না । এইবার ফাঁক পাইয়া তাহারা আগাইয়া আসিল

বিজয় । ( প্রমত্তকে ) দাদার বুঝি উটি তৃতীয় পক্ষ ?

প্রমত্ত । ই্যা

কেতন । আমাবস্তে আর পুন্নিমে ছটি পক্ষই গেছে ?

প্রমত্ত । ই্যা ।

## তুমি আর আমি

বিজয়। ভাগ্যবানের বউ মরে। আমার কপালে সেই ক্যাবলার মা-ই  
কায়েম হয়ে রইল।

কেতন। তোর সঙ্গে চটাচটি করবোনা তাই—নইলে তোর বৌ তো  
ভাই বেশ ভাল। আমার কপালে তোর ভান্ডর বৌ—

বিজয়। আমার ভান্ডর বৌ!

কেতন। হ্যাঁরে! আমার বৌ তোর ভান্ডর বৌ হয় না!

বিজয়। বকাস্‌নি কেত্‌না। তোর বয়েস আর আমার বয়েস? আমার  
যখন জ্ঞান হ'ল তুই তখন বিড়ি টানছিস্।

কেতন। কী যে বলিস্! যাক্‌ তোর সঙ্গে চটাচটি আমি করবো না, এক  
জায়গা থেকে আসি। হ্যাঁ—যা বলছিলাম, তোর বৌ তবু ঘরের  
কাজ কর্ষ করে—ছেলে পিলে মানুষ করে, আমার বৌ মনে  
কর খালি কাঁদছে খালি কাঁদছে। হয়ত একটু থেমেছে, জিজ্ঞেস  
করলাম কেমন আছ গো? ব্যস! আবার কাঁদতে আরম্ভ  
করলো।

বিজয়। তুই তো স্নেহে আছিস। গত মাঘ মাসে আমি পরিবারের  
উপর রেগে গিয়ে রাত বারোটোর সময় পুকুরে ডুবতে যাইনি?

কেতন। পার্‌লিনি?

বিজয়। নাঃ। সেই কন্‌ কনে ঠাণ্ডা জলে বত ডুবতে যাই, ততই ভেসে  
ভেসে উঠি। সাঁতার জানি কি না!

কেতন। হ্যাঁ হ্যাঁ। তার পর কি হ'ল?

বিজয়। ঘণ্টা খামেক ধরে চেঁচা করে বাড়ী চলে এলাম। পরদিন হ'ল  
অর, ডাক্তার খরচ বেরিয়ে গেল একুশ টাকা পাঁচ আনা।

কেতন। এঃ! ওই টাকায় যে একডাল দিও পেড়িস রে!



## ভূমি আর আশ্রি

বিজয় । সেইটেই ভুল হয়ে গেছে ।

কেতন । এবার যখন আশ্রহত্যা করতে যাবি—আমায় সঙ্গে নিল ।

বিজয় । তুইও করবি নাকি ?

কেতন । না, তোকে আশ্রহত্যা করতে সাহায্য করবো ।

বিজয় । সেই ভাল ! এখন চল—শতদল বাবু যদি দেখতে পায়—তা হ'লে খ্যাচ্ খ্যাচ্ করবে ।

কেতন । চল !

বিজয় । মশায় ! চাল যা চলেছেন মোক্ষম ! খবরদার—একলা ছাড়বেন না । পার্ট নিয়ে গ্যাঁট হয়ে বসুন । দেখছি তো—রোজ রোজ । মেয়ে এল কি কপ্পুর ! মেয়ে এল কি কপ্পুর ।

প্রমত্ত । পাগল হয়েছেন ? কপ্পুর হ'লেই হ'ল ?

বিজয় । আচ্ছা চলি নমস্কার ।

প্রমত্ত । নমস্কার ।

বিজয় কেতন প্রস্থান করিলে

প্রমত্ত উঠিয়া দাঁড়াইল ।

প্রমত্ত । ( চারিদিকে উকিঝুঁকি মারিয়া ) ডলিকে কোথায় নিয়ে গেল ! গেছেতো অনেকক্ষণ । খুঁজবোইবা কোথায় ? এখান থেকে হাঁকতো ছাড়ি, বোঝা যাবে আছে কি নেই । ডলি ! ডলিরে !

( রিণার প্রবেশ )

রিণা । টেঁচাচ্ছেন কেন ?

প্রমত্ত । তবে কী করবো ?

রিণা । তবে কী করবো মানে ?

## তুমি আর আমি

প্রমত্ত । বলি না! টেঁচিয়ে ডলিকে ডাক্বো কাঁ ক'রে ? গান গেয়ে  
ডাক্বো ?

রিণা । আপনি তো ডলির স্বামী ?

প্রমত্ত । আমি তো তাই জানি'।

রিণা । ডলি জানে না ?

প্রমত্ত । শুধু ডলি কেন ? ডলির বাবা-মাও জানে । মরুকগে যাক—  
ডলি কোথায় বলতে পারেন ?

রিণা । বাগানে । শতদলের সঙ্গে কথা কইছে ।

প্রমত্ত । কার সঙ্গে ?

রিণা । শতদল—শতদল !

প্রমত্ত । শতদল মানে পদ্ম ! মেয়ে ছেলে ?

রিণা । মেয়েছেলে কেন হতে যাবে ?

প্রমত্ত । তবে ? পুরুষ ! পরপুরুষের সঙ্গে কথা কইছে ডলি ! না না—  
এখানকার কাজ কাববার আমারতো ভাল লাগছে না ! এ  
ভাবে যার তার সঙ্গে কথা কইলে পরিবারকে তো হাতে রাখা  
যাবে না ।

রিণা । তাতে কী হবে ?

প্রমত্ত । কী আর হবে ? হয়ত ডলি কোথাও চলেই গেল—বুঝলেন না ?

রিণা । না—না—ডলি যাবে না । ডলি সে ধরনের মেয়ে নয় । আপনাকে  
সে ভালবাসে খুব ।

প্রমত্ত । ভালবাসে—না ? হেঁ হেঁ ভারী ভাল মেয়েতো আপনি ! আহুন  
না, ততক্ষণ বসে বসে দু-চারটে জ্ঞানের কথাবার্তা কওয়া যাক ।

রিণা । ( বলিয়া ) বলুন ।

## ভূমি আর আমি

প্রমত্ত । বলছিলাম কি—আপনার নিবাস ?

রিণা । Calcutta.

প্রমত্ত । জাতিটা ?

রিণা । Cosmopolitan.

প্রমত্ত । ও । ঠাকুরের নাম ?

রিণা । ঠাকুর !

প্রমত্ত । মানে পিতা ।

রিণা । ও ! কী দরকার বাপের নামের ? আপনার আমার বন্ধুত্বের মধ্যে  
বাবা is a third person.

প্রমত্ত । হেঁ হেঁ—ওই ইংবেজীটুকুর মানে বলে না দিলে চলছে না যে !  
মানে—আমি আবার ওই ঘোড়ার পাতা অবধি পড়েছিলাম  
কিনা—তাই !

রিণা । বুঝছি । বাবা is a third person মানে বাবা হচ্ছেন তৃতীয়  
পুরুষ ।

প্রমত্ত । বাবা তৃতীয় পুরুষ ! যা বাবা ! বাবারও নামতা আছে নাকি ?

রিণা । আছেই তো !

প্রমত্ত । ওঃ ! এখানে এসে অনেক জ্ঞানলাভ হল । শেষকালে বাবার  
নামতা । বাবাকে বাবা—বাবা দুকুনে দ্বিতীয় পুরুষ—তিন বাবাঃ  
তৃতীয় পুরুষ !

রিণা । তাই হবে বোধ হয় । কাজের কথা বলুন ।

প্রমত্ত । হ্যাঁ, এই বলি—কাজের কথা বলি । আচ্ছা, আমি তো রাজার  
পার্ট করবো, রাণী কে করবে ? ডলি তো ?

রিণা । না—না—ডলি কেন রাণী করবে ? তার পার্ট আরও বড় ।

## ভুলি আর আমি

প্রমত্ত । সে কি কথা ! আমার রাগী ডলি ছাড়া আর কে করবে ?

রিণা । আমি রাগীর পার্ট করবো ।

প্রমত্ত । আপনি ! হেঁ হেঁ আপনিও বেশ ভাল মেয়ে ! তবে কি জানেন—  
ডলি হ'ল আমার পরিবার—সে আমার সঙ্গে যেমন রাগী  
করতে পাববে—তেমনি কি আর কেউ পারবে ?

রিণা । সে তো শতদল বাবুর জ্বর পার্ট করবে ।

প্রমত্ত । কী সর্বনাশ ! এই সব যাচ্ছে তাই কাণ্ড করলে কি আর  
ঠিয়াটায় করা যায় । আমার পরিবার করবে অল্প লোকের  
পরিবারের পার্ট ? আমাকে তাই দেখতে হবে ? আমার পার্ট  
খারাপ হ'য়ে যাবে না ? না—না—আমি বেঁচে থাকতেই কি এ  
সব চলে ?

রিণা । তবে আপনি শতদল বাবুর সঙ্গে কথা ক'য়ে দেখুন ।

প্রমত্ত । নিশ্চয় কথা কইবো । এখুনি এর ব্যবস্থা না হ'ল আমি কুরুক্ষেত্র  
কব'বো । শতদল বাবু—যদি ও মশায় শতদল বাবু ।

[ চীৎকার করিতে করিতে দ্রুতপদে প্রস্থান ।

রিণা । ( হাসিয়া ) আন্ত পাগল ।

[ বিজয়ের প্রবেশ ]

বিজয় । রিণা দেবী !

রিণা । কী বলুন !

বিজয় । বলি কত দূর এগোল ?

রিণা । মানে ?

## ভূমি আর আশ্মি

বিজয়। মানে—বেছে বেছে মক্কেলটি পাক্‌ড়েছেন ঠিক। বুড়োর মেলা-টাকা, হাত ছাড়া কব্‌বেন না।

রিণা। আমি আপনাকে সাবধান ক'রে দিচ্ছি বিজয়বাবু। এ ভাবে আমার সঙ্গে কথা কইবেন না।

বিজয়। কিন্তু যে ভাবেই বলি না কেন, মোক্কা কথাটি হচ্ছে এই যে—ডলি এবার শতদলের সঙ্গে ভাগবে নির্ধাৎ !

রিণা। আপনি একটি Idiot.

বিজয়। আজ্ঞে হ্যাঁ। আমার কথা শুনুন। এই হচ্ছে তাল। ঝোপ বুখে কোপ মারবেন। একটু গা ঘেঁষে বসা—ছ-চারটি মিষ্টি কথা—ব্যস। বুড়ো হচ্ছে টাকার কুম্মার। আর মনে করুন—আপনার বয়েসওতো এদিকে পঁচিশ ত্রিশ হ'ল—

রিণা। Nonsense ! (ঠাস করিয়া বিজয়ের গালে চড় মারিল) সিক্সটিন্।  
[ চলিয়া গেল। ]

[ নিঃশব্দ পদে কেতনের প্রবেশ ]

কেতন। কী হ'ল রে ? রিণা দেবী ছিঁকে বেরিয়ে গেল কেন ?

বিজয়। কে জানে ভাই। দিব্যি গল্পগল্প করছিলেন—যেই না বয়েসের কথা বলা—

কেতন। মরেছে ! বয়েস জিগ্যেস করেছিঁস্ ! আর দেখতে হবে না।

বিজয়। মরে বাবে ?

কেতন। না না—মরে বাবে কেন ? এন্টুনি আন্টির কোলে গিয়ে ঢলে পড়বে—আর ১ ঘণ্টা ১১ মিনিট অজ্ঞান হ'য়ে থাকবে।

বিজয়। ১ ঘণ্টা ১১ মিনিট ! বলিস্ কীরে ?

## তুমি আর আমি

কেতন। হ্যাঁ। বয়েস জিগ্যেস করলে ১ ঘণ্টা ১১ মিনিট, আর কত মাইনে পান জিগ্যেস করলে ৪১ মিনিট অজ্ঞান হ'য়ে থাকবে। এর আগে কিছুতেই মুচ্ছা ভাঙবে না। তা তুমি যতই বরফ চাপাও না! চল।

বিজয়। একটু দেখে যাবো না?

কেতন। পাগল নাকি? ওদিকে আর যায়? চল—চল।

উভয়ের প্রস্থান

আন্টি, কিটি, মলয়, মিলি, ও শতদলের প্রবেশ

আন্টি। কার চিঠি?

শতদল। চিঠিটা আসছে, আপনার হস্টেল কর্তৃপক্ষের কাছ থেকে।

আন্টি। কেন? হস্টেল কর্তৃপক্ষ রিহারস্যালাে চিঠি দেবেন কেন?

মলয়। রিহারস্যালাে দেননি। চিঠিটা হস্টেলেই এসেছিল, ঠাকুর এখানে দিয়ে গেছে।

আন্টি। এমন কি চিঠি এখন আসতে পারে? পড়ে দেখ। বোধ হয় পাশ চেয়ে পাঠিয়েছে।

শতদল। পড়বো?

আন্টি। নিশ্চয়।

শতদল পড়িতে পড়িতে একটা অক্ষুট  
শব্দ করিয়া উঠিল। সকলে সেই  
দিকে চাহিল

কিটি। কিসের চিঠি?

শত। ভয়ানক চিঠি। বলবো আন্টি।

## তুমি আর আমি

আন্টি। নিশ্চয় নিশ্চয়—সীগুগির বলো।

শত। হষ্টেল অধারিটি লিখছেন যে গত পরশু রাতে তোমার ঘরে—  
বল্‌বো ?

আন্টি। আঃ ! কেন দেৱী কর্‌ছো ? বলো !

শত। গত পরশু রাতে তোমার ঘরে একটি যুবক অভ্যর্থিত হইয়াছিল—  
ইহার সন্তোষজনক প্রমাণ পাওয়া গিয়াছে। এই অপরাধে  
তোমাকে কেন পদচ্যুত করা হইবে না, তাহার কারণ দেখাও।

কিটি। My God.

আন্টি। My Goodness, আমার ঘরে তরুণ যুবক—হাঁ তরুণ যুবক  
এসেছিল—কিন্তু সে তো আমার ঘরে নয়—মানে, মেয়েদের  
একটা fun—তাদেরই ঘরে—

মলয়। কিন্তু তাদের ঘর থেকে funটা যখন আপনার ঘর অবধি গড়িয়ে-  
ছিল, তখন সে কথা authority বিবেচন করবেন না।

শত। আপনার ঘর থেকে সে পালিয়েছে, তখন দোষ আপনারই হবে।  
ও সব কথা বাদ দিন। এখন কি ক'রে রক্ষা পাওয়া যাবে  
সেই কথাই ভাবা যাক্‌।

আন্টি। My Goodness ! smelling salt...কিটি smelling salt.

কিটি। আপনি স্থির হন আন্টি—আপনি স্থির হন। যা করবার আমরা  
করছি।

অন্টি। তাই করো। মিলি !

মিলি। আন্টি !

আন্টি। আমার কাছে থাকো। আমি ভাল নেই,—বোধ হয় আর  
বাঁচবো না।

## তুমি আর আমি

মিলি। অমন কথা বলবেন না আন্টি, পরশু অবধি আপনাকে যে  
বাঁচতেই হবে! পরশু যে আমাদের প্লে!

আন্টি। চেষ্টা করবো, বোধ হয় পারবো না। Smelling salt.

মিলি ও কিটি আন্টিকে smelling salt

সুঁকাইতে লাগিল। এবং শতদল

মলয় পবামর্শ করিতে লাগিল।

প্রবেশ করিল প্রমত্ত। সে আসিয়া

ভয়ানক চেঁচামেচি আরম্ভ করিল

প্রমত্ত। কী মশায়! আপনাদের এই জোচ্চুরীর কারবার খুলেছেন  
কদ্দিন? লোক ছুটো ত ঠিকই বলেছিল দেখছি, মেয়ে এল  
কি কপ্পুব! এমন জানলে মাথায় ছুটো গোলমরিচ দিয়ে  
রাখতাম।

মলয়। কী হয়েছে কি?

প্রমত্ত। কী হয়েছে নিজে জানেন না? ডলিকে নিয়ে আসতে আমি  
চাইনি, যাহোক কান্নাকাটি করতে আনলুম। এখন দেখছি  
ভাল করিনি।

মলয়। আসল কথাটা কি তাই বলুন না। আমরা এখন বড় ব্যস্ত।

প্রমত্ত। আর বৌ হারিয়ে আমি বড় নিচ্চিন্দি না?

মলয়। বৌ হারিয়ে!

প্রমত্ত। হ্যাঁ মশায়! বৌ হারিয়ে। কোথায় তাকে পাচার করলেন  
বলুন দেখি।

মলয়। দেখুন—এই ধরনের ভাষা আমরা শুন্তে অভ্যস্ত নই। ডলি দ্বৈী  
কোথাও বাননি—তিনি শুদ্ধ করে ব্রিহাৎসাল দিচ্ছেন বোধ



## তুমি আর আমি

হয়। আপনি যদি চুপচাপ বসে থাকতে পারেন থাকুন—নইলে আমরা আপনাকে বার ক’রে দিতে বাধ্য হবো।

প্রমত্ত। ও ! নিজের কোটে পেয়ে অমন রোয়াব সবাই ছাড়তে পারে, একদিন আমার বাড়ীর সামনে পেলো হয়। নিকিরী পাড়ার পঞ্চাশটা গুণ্ডার কাছে আমি টাকা পাই—তা জানেন ?

মলয়। আপনি বসবেন ?

প্রমত্ত। বসছি ধমকো না। আমার আবার হাঁপানীর ব্যারাম।

বসিল

শত ও মলয় আন্টিব কাছে আগাইতেই সমীর প্রবেশ করিল

শত। এস সমীর ! তোমাদের সম্বন্ধেই বিপদ ঘটেছে।

সমীর। আমার সম্বন্ধে !

মলয়। ই্যা তোমার সম্বন্ধে ! তুমি যে সেদিন আন্টির ঘরে গিয়ে ফাষ্ট এপ্রিল ক’রে এসেছিলে, তাই নিয়ে হস্টেল অধারিটি মাসীমার কাছে satisfactory explanation চেয়েছেন—অন্ততঃ শুকে পদচ্যুত করা হবে।

সমীর। সর্বনাশ ! এখন উপায় ?

শত। উপায় আমি আর মলয় মিলে ঠিক ক’রে ফেললাম। শুধুন আন্টি ! অনেক দিক থেকে অনেক রকম চিন্তা করে আমরা এই স্থির করলাম, আপনাকে জবাব দিতে হবে—যে তোমরা তুল করেছ, যিনি সেদিন আমার ঘরে এসেছিলেন, তাঁর সঙ্গে আমার বিয়ের কথাবার্তা পাকা হ’য়ে আছে এক বছর আগে থেকে।

সমীর। এই ! কী সব বা তা বলছে তাই ?

মলয়। No other alternative !

## ভূমি আর আমি

সমীর । তাই বলে এই সব পাথুরে ইয়ার্কি কবতে হবে ?

আন্টি । ষাক্ । তাতে কিছু ষাচ্ছে আস্ছে না, সে কথা লেখার সঙ্গে engagement-এর কোন সম্পর্ক নেই ।

শত । বিশেষ সম্পর্ক আছে আন্টি । We are engaged এই কথা বলাব পর ঘটনা সত্যি না হ'লে—আপনাকে আইনেব কবলে পড়তে হ'বে । অতএব—

আন্টি । অতএব—

শত । অতএব আপনি সমীরকে বিয়ে কববেন ।

সমীর । My god!

আন্টি । My Goodness !

হুজনে দুইটি সোফায় এলাইয়া  
পড়িলেন । কিটি আন্টিকে—মিলি  
সমীরকে শ্বেলিং সন্ট গুঁকাইতে  
লাগিল ।

প্রমত্ত । ও সব কায়দা টায়দা আমার ঢেব দেখা আছে । বে জন্তে আমি পার্ট কব্বো বল্লাম—সেই কাণ্ডই ঘটলো ? আমার সতীলক্ষ্মী জীকে এবা খাবাপ ক'রে দিলে । ( পা হইতে জুতা খুলিয়া ) ডলিকে বলে দেবেন—আর আমি তাকে চাইনা—আমার সামনে পড়্লে আমি তাকে খুন ক'রে ফেল্‌বো । এই জুতো দিয়ে তার মুখখানা—

ডলির প্রবেশ

ডলি । ( হাসি ও ক্রোধ মিশ্রিত কণ্ঠে ) এই যে ডলি । এসেছি—ডলি এসেছি ।

জুতা পকেটে লুকাইয়া হেঁ হেঁ করিয়া হাসিতে লাগিল

## শেষে

লীলাবতীপুবে রাধাবরণে মন্দির। ঝুলন  
পূর্ণিমাৰ ব্যত্ৰি। মন্দিবেব সম্মুখে  
প্রশস্ত প্রাক্তন। দলে দলে বাজ্যেব  
লোক আসিয়া প্রণাম কবিয়া প্রণামী  
দিয়া নাটমন্দিবে স্থান গ্রহণ  
কবিতেকে। মন্দিবেব পার্শ্বে দাঁড়াইয়া  
মন্দিবেব সেবিকা অম্মলীলা, পুরোহিত  
সৌম্য মন্দিবেব সিংহদ্বার হইতে  
সমাগত জনতাব মস্তকে শান্তিজল  
বর্ষণ কবিতেকেছিল, বিলম্বিত লয়ে ঘণ্টা  
বাজিতেকেছিল। নাটমন্দিবেব প্রাক্তনে  
স্তম্ভজিতা দেবদাসীগণ অপেক্ষা  
কবিতেকেছিল নৃত্যাবলম্ব্যব সঙ্কেত  
ধনিব জন্ত। দূরে একটি আসনে  
অরূপ বসিয়া আছে। সকলেই অপেক্ষা  
কবিতেকেছিল উৎসব আরম্ভেব

কানাই। এইখানে বসে থাক্ চুপ ক'রে। একটু পরেই দেখবে—নগরের  
শ্রেষ্ঠা নর্তকী অলকানন্দা এখানে নাচতে আসবেন।

অরূপ। তা' এখানে আমাকে নিয়ে এলে কেন কানাই! আমি থাকি—  
নগরের বাইরে দূরে—জন-কোলাহল থেকে স্বেচ্ছা-নির্বাসিত।

## তুমি আর আমি

সেখান থেকে আমায় টেনে আনলে কি একজন নটির নাচ দেখাতে ?

কানাই । না কবি, এমন কথা তুমি বোলোনা । তুমি দেখনি আমাদের অলকানন্দাকে—তাই একথা বলতে পাচ্ছো । আগে দেখ তাকে, দেখ তার নাচ, পবে তুমি আমায় বা বলবে আমি শুনবো ।

অরূপ । তাই হোক কানাই । তিনি কখন আসবেন ?

কানাই । কে ?

অরূপ । তোমাদের অলকানন্দা ।

কানাই । একটু পরেই । আগে হবে মন্দিরের সেবিকা অনুশীলার কীর্তন, পরে হবে এই সব দেবদাসীদের নাচ, তারপবে আসবেন— অলকানন্দা । বছরের মধ্যে এই একদিন তিনি মন্দিরে এসে তাঁর নৃত্য দিয়ে লীলাবতীপুরের জনসাধারণকে আনন্দ দান করেন । অতদিনতো তাঁর দেখা পাওয়া যায় না । তুমি বসো ।

কানাইয়ের প্রস্তান ।<sup>১</sup> ঘণ্টা বাজিতেই অনুশীলা কীর্তন গাহিতে আরম্ভ করিল । ভক্তগণ স্তব্ধ হইয়া সেই গান শুনিতে লাগিল । গান শেষ হইয়া গেলে দেবদাসীগণ নাচিতে আরম্ভ করিল, খোল করতালের ধ্বনিতে নাট-মন্দির মুখর হইয়া উঠিল । নাচ শেষ হইয়া গেলে জনতার মধ্যে একটা অক্ষুট গুঞ্জন উঠিল । সৌম্য পুরোহিত মন্দির দ্বারে দাঁড়াইয়া ঘোষণা করিলেন

## তুনি আর আনি

সোম্য । আপনারা স্থির হ'য়ে বসুন, নগরের শ্রেষ্ঠা নর্তকী অলকানন্দা এইবার তাঁর নৃত্য প্রদর্শন করবেন । অলকানন্দা লীলাবতী-পুরের সম্পদ, শুধু তাঁরই জন্ত বছরের এই একটি দিনে লীলাবতী-পুরের বৃকে বহু রাজা, শিল্পী, মনিষী ও কবির চরণ চিহ্ন পড়ে । আপনারা তাকে আশীর্বাদ করুন সে যেন সুদীর্ঘ জীবন লাভ করে । আজকের উৎসবের আরও একটি বিশেষত্ব এই যে—আমাদের প্রধান অতিথিরূপে আজ উৎসবে উপস্থিত থাকবেন । মায়াপুরের অধিপতি মহারাজ উগ্রসেন । তিনিও আমাদের মহারাজ চণ্ডকৌশিকের সঙ্গে এখনি সভায় উপস্থিত হবেন ।

জনতাব মধ্যে আবাব গুঞ্জন উঠিল । একটু  
পবেই সভামধ্যে প্রবেশ করিলেন  
মহাবাজ চণ্ডকৌশিকেব সহিত  
মহারাজ উগ্রসেন । জনতা চীৎকার  
কবিয়া উঠিল

জনতা । মহারাজ চণ্ডকৌশিকের জয় হোক ।

চণ্ডকৌশিক জনতাকে নমস্কাব কবিলেন

জনতা । মহারাজ উগ্রসেনের জয় হোক ।

উগ্রসেনও নমস্কার কবিয়া আসন পরিগ্রহ  
কবিলেন । নৃত্য আরম্ভ হইল ।  
নৃত্য শেষে দেবদাসীগণ বসিয়া  
পড়িল । হঠাৎ একটা ঘণ্টা পড়িতেই  
দেখা গেল মন্দিরের দ্বারদেশে  
অলকানন্দা দাঁড়াইয়া, উজ্জ্বল আলো:

## ভূমি আব আন্নি

তাহার মুখে পড়িল। জনতার দিকে  
সহাস্ত্রমুখে চাঙিতেই তাহার দৃষ্টি  
পড়িল অরূপের উপর। ধীরে ধীরে  
তাহাব হাসি মিলাইয়া মুখ গম্ভীর  
হইয়া গেল। দৃষ্টি সেখান হইতে সে  
সবাইতে পারিতেছিল না। মহারাজ  
চণ্ড কৌশিক ডাকিলেন

চণ্ড। অলকানন্দা।

অলকা। (চমকিয়া) মহারাজ।

চণ্ড। নেমে এস। সকলে তোমার অপেক্ষা করছেন।

অলকা। বাই মহারাজ।

ভূমিষ্ঠ হইয়া বাধাবমণকে প্রণাম কবিয়া  
সিঁড়ি দিয়া নামিয়া আসিল। তারপর  
নৃত্য আরম্ভ কবিল, প্রথমে দেব-  
দাসীদেব সঙ্গে পরে একা। অনেকক্ষণ  
ধরিয়া নৃত্য চলিল। পরে নাচ  
শেষ হইয়া যাওয়া মাত্র ষ্টেজের মধ্যে  
ছুটিয়া প্রবেশ করিলেন আন্নি। তিনি  
উজ্জ্বলিত হইয়া কহিলেন

আন্নি। ওয়েলডন্ কিট ওয়েলডন্। বড ভাল নেচেছ, আর মল্ল  
তোমাবও—

উইংসের পাশে অনেকগুলি মাথা বাহির  
হইয়া পড়িল। “ও আন্নি” “করছেন  
কি?” “আন্নি চলে আনুন”  
“আন্নি”

## তুমি আর আমি

আর্গি। আঃ! কেন তোমরা গোলমাল করছো?

রিগী। চলে আসুন। ষ্টেজেব মধ্যে ঢুকে পড়েছেন! প্লে হচ্ছে যে!

আর্গি। ( অডিটোরিয়ামের দিকে চোখ পড়িতেই ) Oh my Lord !

I am sorry gentlemen I am very sorry !

ক্রতবেগে ভিতবে প্রস্থান করিলেন।

সৌম্য পুর্বোহিত ঘোষণা করিলেন ]

সৌম্য। নর্তকী অলকানন্দার নৃত্য শেষ হওয়ার সঙ্গে সঙ্গেই আজকের  
মত মন্দিরের উৎসব শেষ হ'ল।

মহারাজ চণ্ড কৌশিক ও উগ্রসেন আসন

হইতে নীচে নামিলেন। জনতা

একে একে বাধাবমণকে প্রণাম করিয়া

চলিয়া যাইতে লাগিল। মহাবাজ

চণ্ড কৌশিক উগ্রসেনকে সঙ্গে করিয়া

অলকানন্দাব নিকটে আসিলেন।

তাবপর ডাকিলেন

চণ্ড। অলকানন্দা!

অলকা। মহারাজ!

চণ্ড। এঁকে প্রণাম করো। ইনি আমার পরম বন্ধু মায়াপুরের অধিপতি  
মহারাজ উগ্রসেন।

অলকা। দাসীর প্রণাম গ্রহণ করুন মহারাজ।

উগ্র। তোমার নৃত্য আমি বিস্মিত ও মুগ্ধ হয়েছি। যদি সুযোগ  
পাই তবে তোমাকে আমার রাজ্যে নিয়ে গিয়ে আমার রাজ-  
অন্তঃপুরিকাদের তোমার নৃত্য দেখাব।

## তুমি আর আমি

অলকা। আপনার নিমন্ত্রণ গ্রহণ করতে পারলে আমি স্ত্রী হতাম  
মহারাজ, কিন্তু আমি তো অগ্র কোথাও নাচিনে।

উগ্র। কোথাও না?

অলকা। কোথাও না।

উগ্র। তুমি আমার নিমন্ত্রণ প্রত্যাখান ক'বছো?

অলকা। প্রত্যাখান করার স্পর্ধা নেই—অক্ষমতা জানাচ্ছি।

উগ্র। তোমর স্পষ্ট কথায় আমি আনন্দিত হলাম।

চণ্ড। নর্তকী অলকানন্দা!

অলকা। মহারাজ।

চণ্ড। তুমি আমার রাজ্যের শ্রেষ্ঠা নর্তকী, তোমার প্রতিভা, তোমার  
লীলায়িত দেহভঙ্গিমা, তোমার স্মৃষ্টি ব্যবহার আমার প্রজা-  
বৃন্দকে তোমার প্রতি আকৃষ্ট করেছে। বিশ্বের যত গুণী জানী  
যত প্রাজ্ঞ, তাঁদের স্ব স্ব শিল্পী—( উইংলার দিকে চাহিলেন )  
একটু জোরে বলাও না হে! পার্ট করছি আমি, আমার এখনো  
ভাব এলো না—তোমার ভাব এসে গেল!

বঙ্কল। ( নেপথ্যে ) তাঁদের স্ব স্ব.....

চণ্ড। হ্যাঁ, ওই রকম জোরে জোরে বল। তাঁদের স্ব স্ব শিল্পী  
সম্ভিষ্যাহারে তোমার নৃত্য দর্শন করে কিংকর্তব্যবিমূঢ়  
হ'য়ে—বাবারে বাবা! ভাবা দেখেছ! এসব আমাকে জব্ব  
করবার ফন্দী না? করাচ্ছি জব্ব। ওহে! ও প্রম্পটার,  
এদিকে এস!

উগ্র। করেন কি—করেন কি মহারাজ চণ্ডকৌশিক—প্রম্পটার ডাকছেন  
কেন?



## ভূমি আর আমি

চণ্ড। আরে রেখে দাও তোমার চণ্ডকৌশিক। কোন ব্যাটা তোমার চণ্ডকৌশিক হে? পার্ট করবো বলে কি আমায় দিয়ে একটা মজুবের খাটুনি খাটিয়ে নেবে? ও প্রম্পটার।

বঙ্কলের প্রবেশ

বঙ্কল। কি বলছেন?

চণ্ড। কী বলছেন মানে কি? আগে কী কথা ছিল? সামান্য ড'চাব লাইনের পার্ট বলে এই গন্ধমাদন পর্তত আমার কাঁধে চাপিয়ে দিয়েছো। এই নাও তোমাব মুকুট, এই নাও তোমার চুল— এ পার্ট আমি কব্তে পাব্বো না।

ডলি আন্টি সমীবেব প্রবেশ

আন্টি। কি কব্ছেন প্রমত্ত বাবু। ছি ছি!

প্রমত্ত। ছি ছি মানে? এত কথা আমি বলতে পাব্বোনা। পার্ট করবো বলে কি গোটা দ্বিতীয় ভাগ আমায় দিয়ে বলিয়ে নেবেন?

ডলি। করনা গা। এতগুলো লোক দেখতে এসেছেন!

প্রমত্ত। (প্রসন্ন হইয়া) কব্বো বলছিন্স?

ডলি। হ্যাঁ।

প্রমত্ত। ভাল লাগছে তোর?

ডলি। ভীষণ।

প্রমত্ত। আগে বলিস্নি কেন? তা'হলে বলাও তো হে? (মুকুট ও চুল পরিল, সকলে চলিয়া গেল) রাধারমণের আশীর্ব্বাদে ভূমি সুদীর্ঘ জীবিনী হ'য়ে আপন প্রতিভার পূর্ণ পরিচয় জগৎকে প্রদান

## তুমি আর আমি

কর, এই আমার কামনা। আত্মন মহারাজ উগ্রলেন। আরতো  
বেশী ছিল নাকৈ দাদা !

হুইজনে চলিয়া গেলেন। একটি একটি  
করিয়া মন্দিরের বাতি নিভিতে  
লাগিল। নাটমন্দির অন্ধকার হইয়া  
গেল এবং চাঁদের আলো আসিয়া  
পড়িল। সৌম্য নামিয়া আসিলেন

সৌম্য। তুমি কি এখন এখানে একটু একা থাকতে চাও মা ?

অলকা। ই্যা প্রভু। আপনি মন্দিরের দ্বার বন্ধ ক'রে দিয়ে যান, আমি  
উত্থান দিয়ে বাড়ী যাব।

সৌম্য। সঙ্গে কি বন্ধীর ব্যবস্থা করবো ?

অলকা। না প্রভু, আমার হু'জন ভৃত্য দ্বারদেশে অপেক্ষা কব্ছে। আর  
আপনি তো জানেন, আজকের দিনে আমি বাড়ী থেকে  
মন্দিরে—হেঁটে আসি !

সৌম্য জানি মা ! আচ্ছা আমি চললাম।

অলকা প্রণাম করিল

সৌম্য। চির জীবনী হও।

চলিয়া গেলেন

নাটমন্দির অন্ধকার হইয়া গেল।  
পূর্ণচন্দ্রের জ্যোৎস্না আসিয়া পড়িল।  
বসিয়া বহিল শুধু অলকানন্দা আর  
অরূপ। অরূপ বসিয়া আছে বেন  
বাহুজ্ঞান-বিরহিত। অলকানন্দা  
সেইদিকে অগ্রসর হইয়া নতজাহ্নু  
হইয়া বলিল

## তুমি আর আমি

অলকা। হে সুন্দর ! আপনি কে ?

অরূপ। আমি অরূপকুমার।

অলকা। কবি অরূপকুমার !

অরূপ। হ্যাঁ।

অলকা। আমার মহা সৌভাগ্য, আজ আপনার মত কবিকে আমি দর্শক-রূপে পেয়েছি। কিন্তু উৎসব শেষ হ'য়ে গেছে, এখনও আপনি বসে আছেন কেন ?

অরূপ। আবিষ্ট হ'য়ে ভাবছিলাম আমাদের মধ্যে কে বড় ? যে রচনা ক'রে কথা দিয়ে ছন্দের মালা, না যে গাঁথে দেহ দিয়ে ছন্দের মালা !

অলকা। আমার নাচ কেমন লাগলো ?

অরূপ। অপূর্ব। মানুষের পাপ-পুণ্য-লোভ-মোহের সীমা অতিক্রম ক'রে তুমি নব নব লীলায় দেহকে লীলায়িত করে তুলেছিলে, কখনো মধুর বেদনায়, কখনো স্নাত্তির উল্লাসে। তোমার এই তনুতীরের সান্নিধ্যে আজ আমি ধন্ত।

অলকা। অমন কথা বোলোনা কবি—শুনলে আমার পাপ হবে। তোমার কাব্য, তোমার সঙ্গীত—এ অঞ্চলের সকল লোকের মুখে মুখে। কিন্তু তুমি আত্মগোপন করে থাকো কেন, সাধারণকে দেখা দিয়ে তাদের উচ্ছ্বসিত অভিনন্দন নিজের হাতে গ্রহণ করোনা কেন ?

অরূপ। জনতাকে আমি ভয় করি। তোমার আমার দৃষ্টি-বিনিময়ে যা সঙ্গীত, জনতার মাঝে তা সংগ্রাম। তাই নিজেকে নিজে আমার নির্দ্বন্দ্ব কুটিরে আমি ভাল থাকি।

## তুমি আর আমি

অলকা। কতদিন ভেবেছি তোমার কথা, কতদিন মনে হয়েছে,—যাই শ্রেষ্ঠা নর্তকীর অহঙ্কার চূর্ণ ক’রে দিয়ে আসি শ্রেষ্ঠ কবির চরণতলে। কিন্তু যা আমি পাবিনি, তাই রাখারমণ আজ সম্ভব করিয়েছেন। তোমাব চরণ হু’খানি টেনে এনেছেন আমার প্রণামের সীমার মধ্যে। বলো কবি! আমি কী ক’রে আমার অন্তবের কৃতজ্ঞতা তোমাকে জানানো! আমি নটী, নাচ ছাড়া আরতো আমার কিছু সম্বল নেই।

অরূপ। নাচো তুমি। আমাদের পরিচয়ের স্মৃতি আজ অক্ষয় হয়ে যাক—তোমার তনুর বঙ্কিম বিত্তাসে। কিন্তু সঙ্গীত?

অলকা। তোমার কণ্ঠে জাগিয়ে তোলো সঙ্গীত। কণ্ঠের সঙ্গীত আর দেহের সঙ্গীত, এই দুটি মুক আব মুখর সত্তা—মিশে গিয়ে অন্তবের অন্তরতম প্রদেশে—হোক অন্তরঙ্গতম।

অরূপ। তাই হোক—অলকানন্দা—তাই হোক!

অরূপ গান গাহিতে লাগিল, অলকানন্দা  
নাচিতে আরম্ভ করিল।

আমার গানের ছন্দ বাজুক  
তোমার নৃণুবে  
দেহ দীপের জলুক শিখা—

‘শম’ পড়িবার সঙ্গে সঙ্গে অলকানন্দা  
একটি অপরূপ ভঙ্গীতে অরূপের মুখের  
দিকে চাহিয়া রহিল

## তুমি আর আমি

কানাই প্রবেশ করিল

কানাই। কবি ! কবি ! বাড়ী যাবে না ? যা ভেবেছি তাই—একদম  
ইহকাল পরকাল ভুলে বসে আছে। ও কবি ! রাস্তির বে  
অনেক হয়েছে, বাড়ী যাবে না ?

অকপের যেন চমক ভাঙ্গিল

অরূপ। কে ! কানাই।

কানাই। যা হোক তবু শুনতে পেয়েছ ! বলি বাড়ী যাবে না ?

অরূপ। যাবো। কিন্তু কানাই, স্বর্গকে তুমি পৃথিবীর ধূলায় নামিয়ে  
আনতে পারো—এত বড় তোমার ক্ষমতা। কে তুমি ?

কানাই। বেশ যাহোক। এত রাস্তিরে আমি এলাম তোমার উপকার  
করতে—তোমার বাড়ী পৌঁছে দিয়ে আসবো, তুমি কোথায়  
আমায় ধন্তবাদ জানাবে, না চোখ পাকিয়ে বলছো—কে তুমি ?

অরূপ। না না কানাই আমাকে ভুল বুঝো না। তুমি আমাকে যা  
দেখিয়েছ—তার জন্ত মৃত্যুকাল পর্যন্ত আমি তোমার কাছে  
কৃতজ্ঞ থাকবো। অলকানন্দার নৃত্য আমার জীবনে একটি  
মূল্যবান সম্পদ হ'য়ে রইল। যতটুকু সময় এখানে কাটালাম,  
যা যা দেখলাম, এই স্মর, এই সঙ্গীত, এই নৃত্য সবই যেন  
আমার অপার্থিব বলে মনে হচ্ছে।

কানাই। নাচটা অপার্থিব হোক তাতে আপত্তি নেই, কিন্তু পার্থিব  
খাওয়া দাওয়ার কথা ভেবে এখন বাড়ী চল। নর্তকী  
অলকানন্দার বাড়ী আমি চিনি, নিশ্চয় আর একদিন তোমাকে  
সেখানে পৌঁছে দিয়ে আসবো।

## ভূমি আর আমি

অলকা। বালক ! তুমি কে ?

কানাই। বাস। এ যদি থামলো তো তুমি আরম্ভ করলে ? আমি কানাই।

অলকা। তোমাব সত্যকাব পরিচয় কি ?

কানাই। সত্যকাব পরিচয় আব মিথ্যেকার পবিচয় দুটো আলাদা নাকি ? আমি বাপু অতশতো জানিনে। আমি জানি আমার নাম কানাই, দাদার নাম বলাই, কবির নাম অরূপ আব তোমার নাম অলকানন্দা। চল কবি।

অরূপ। যাই, অলকানন্দা !

অলকা। এসো কবি।

অরূপ। তোমাব প্রয়োজনের ক্ষণে স্মরণ করো, যেখানে থাকি ছুটে আসবো।

অলকা। আচ্ছা। কানাই, পাবতো কবিকে আমার প্রয়োজনের ক্ষণে ?

কানাই। বারে ! তার আমি কী জানি ?

অলকা। না, তুমি কথা দাও।

কানাই। বাবারে বাবা—আচ্ছা কথা দিলাম। হ'লতো ? চল কবি চল !

কবি উঠিয়া দাঁড়াইল। অলকা তাকে প্রণাম করিল

অলকা। আর আমার কোন হুঃখ নেই। তোমার পায়ের সঙ্গে জড়িয়ে গেছে নর্তকীর প্রাণ। তাকে তুমি পায়ে পায়ে বয়ে নিয়ে যাও তোমার কুটিরে। তারপর তাকে তুলে রাখ—ফেলে দাও—ভেঙ্গে ফেল—বা তোমার ইচ্ছে। আমি শুধু আজ শ্রেষ্ঠ কবির পায়ের

## তুমি আর আমি

উজাড় করে দিলাম শ্রেষ্ঠা নর্তকীর সকল গৰ্ব—সকল অহঙ্কার ।  
যাও কবি, রাত্রি গভীর হয়েছে ।

সজল চক্ষে অরুণ বিদায় গ্রহণ করিল  
তাহাব পিছনে পিছনে কানাই ।  
অলকানন্দা একটি নিঃশ্বাস ফেলিল ।  
তাবপব নিজের মনেই কহিল

অলকা । কী রূপ ! কী কণ্ঠ ! কী শৌর্য্য ! কী ঔদার্য্য । শ্রেষ্ঠতার  
গৰ্ব যেন মালা হ'য়ে ওর গলায় ঢুলছে । আমার সকল সাধনা  
আজ যেন ওই প্রতিভার মহাসমুদ্রে স্নান ক'রে ধুত হ'ল ।  
রাধারমণ, এবার দাসীকে বিদায় দাও, রাত্রি গভীর হয়েছে ।

বাধারমণকে প্রণাম করিয়া বাহিব হইয়া  
যাইবে, এমন সময় দূবে ভীষণ  
গোলমাল । অলকানন্দা ফিবিয়া  
আসিল

অলকা । ওকি ! কিসের কোলাহল ! রাজ প্রাসাদের দিক থেকে আসছে  
বলে মনে হচ্ছে । কিন্তু এই গভীর রাত্রে.....নাঃ জানতে  
হ'ল ।

রাজ-সচিবের প্রবেশ

রাজা-স । এই যে মা অলকানন্দা !

অলকা । কী হয়েছে প্রভু ! রাজ প্রাসাদে কি কোনরকম অশুবিধা  
ঘটেছে ?

রাজ-স । না মা, রাজা এবং রাজপরিবার কুশলেই আছেন ।

## তুমি আর আমি

অলকা । তবে কিসের ওই কোলাহল ?

রাজ-স । কোলাহল উত্তেজিত জনতার ।

অলকা । এই গভীর রাত্রে জনতার উত্তেজিত হ'বার কী কারণ ঘটলো প্রভু ?

রাজ-স । মায়াপুরের মহারাজ উগ্রসেনের প্রস্তাবই এই উত্তেজনার লক্ষ্য ।

অলকা । মহারাজ উগ্রসেন ! তিনি এমন কী প্রস্তাব করেছেন প্রভু, যার জন্ত আমাদের প্রজারা চঞ্চল হ'য়ে উঠেছে !

রাজ-স । সে কথা তোমাব শোন্বার প্রয়োজন নেই—অলকানন্দা, রাত্রি তৃতীয় যাম উত্তীর্ণ প্রায়, তুমি ফিরে যাও ।

অলকা । না প্রভু, আরতো আমার ফিরে যাবার উপায় নেই । যে কারণে লোলাবতীপুরের প্রজাবৃন্দ আজ চঞ্চল হ'য়ে উঠেছে, মহারাজ উগ্রসেনের সেই প্রস্তাব আমারও শোনা প্রয়োজন ।

রাজ-স । তবে শোন অলকানন্দা, মহারাজ উগ্রসেন প্রথমে প্রস্তাব করেছিলেন পাঁচকোটি স্বর্ণ মুদ্রার বিনিময়ে তোমাকে বিক্রয় করতে । আমাদের মহারাজ ঘৃণার সঙ্গে সেই প্রস্তাব প্রত্যাখ্যান করেছিলেন । অনন্তোপায় উগ্রসেন পুনরায় প্রস্তাব করেন—তোমাকে দান করতে, অন্ত্যায় তিনি আমাদের বিরুদ্ধে যুদ্ধ ঘোষণা করবেন—এই ভয় দেখান । মহারাজ এবং আমাদের প্রজাগণ—যুদ্ধই বেছে নিয়েছেন, তবু তোমাকে দান করতে স্বীকৃত হয়নি ।

অলকা । মহারাজ উগ্রসেন এখন কোথায় ?

রান-স । তিনি আমাদের প্রাসাদে অবস্থান করছেন । আগামী কল্য প্রাতঃকালেই স্বরাজ্যে ফিরে গিয়ে যুদ্ধ ঘোষণা করবেন ।



## তুমি আর আমি

অলকানন্দা দুই হাতে মুখ ঢাকিয়া  
কিছুক্ষণ কৌ ভাবিল। পবে মুখ  
তুলিয়া রাজ সচিবকে কহিল

অলকা। আমি আপনাদের যুদ্ধ করতে দেবোনা।

রাজ-স। সেকি! অলকানন্দা!

অলকা। ই্যা প্রভু। একজন সামান্য নর্তকীর মান আর প্রাণ এমন  
কিছু বড় নয়, যে তাকে রক্ষা করতে রাজ্যের এত প্রাণ,  
এত অর্থ নষ্ট করতে হবে। আমি উগ্রসেনের দৃষ্টি থেকেই  
বুঝেছিলাম আমাব এই দেহ তাঁর লক্ষ্য। তাঁর ইচ্ছাই পূর্ণ  
হবে। আপনি প্রাসাদে গিয়ে মহারাজ উগ্রসেনকে এইখানেই  
পাঠিয়ে দিন। শুধু একটি কথা তাঁকে বলবেন যে অলকানন্দা  
অনুরোধ করেছে এই নাট মন্দিরে তাঁকে একা আসতে হবে।  
আমি রাধারমণের নামে শপথ ক'রে বলছি,—তাঁর প্রাণের কোন  
আশঙ্কা নেই।

রাজ-স। বেশ, আমি আমাদের মহারাজকে গিয়ে বলছি।

অলকা। না-না আমাদের মহারাজকে বলবার কোন প্রয়োজন নেই।  
আপনি অতি গোপনে রাজা উগ্রসেনকে এইখানেই পাঠিয়ে  
দিন। আর আমি জানি উগ্রসেন সুরাপানে অভ্যস্ত, অতএব  
সুরার উপকরণও পাঠাবেন।

রাজ-স। কিন্তু—

অলকা। প্রতিবাদ করবেন না প্রভু! আমি যা করছি তাতে রাজ্যের  
সকলের মঙ্গলই হবে। দাসীর প্রণাম গ্রহণ করুন প্রভু।

রাজ-স। জয়যুক্তা হও!

## ভূমি আর আমি

রাজ সচিব চলিয়া যাইতেই অলকা হাত জোড় কবিতা বলিল  
অলকা। রাধারমণ ! দাসীর কর্তব্য যখন দীর্ঘ করলে, তখন তা সম্পন্ন  
করবার মত বল বুকে দাও। আমি যেন নির্বিলে তোমার  
ইচ্ছা পূর্ণ কর্তে পারি। আজ বুঝি তোমার ইচ্ছে হয়েছিল  
সারা রাত্রি উৎসব করতে ! তাই দাসীকে আর ছুটি দিলেনা !  
তাই হোক। তবে ক্লান্ত অঙ্গে আবার বল সঞ্চার করো প্রভু,  
জাগিয়ে তোলা শিথিল দেহে মনে চেতনার নব নব স্পন্দন।  
রাত্রি শেষ হবার পূর্বেই যেন নৃত্য শেষ করতে পারি !

ভূত্য আসিয়া স্রবার উপকরণ ও গালিচা  
বালিশ দিয়া গেল। মহারাজ উগ্রসেন  
প্রবেশ কবিতা কহিলেন

উগ্র। নর্তকী অলকানন্দা !

অলকা। মহারাজ।

উগ্র। আমি তোমার সঙ্গল শুনে প্রীত হয়েছি। সত্যি তোমার  
জন্ত কেন হবে এত লোকক্ষয় !

অলকা। আসন পরিগ্রহ করুন মহারাজ।

উগ্র। চলো আমরা এখনই প্রস্থান করি।

অলকা। কোথায় ?

উগ্র। আমার রাজ্যে !

অলকা। না মহারাজ। আমাদের রাধারমণের আতিথ্য স্বীকার করে  
আপনি যে প্রস্তাব করেছেন—রাধারমণের সাক্ষাতেই সে কার্য  
সমাপ্ত হবে। আপনি চেয়েছেন আমার দেহ—এই নাট-  
মন্দিরেই আপনি তা পাবেন !

## তুমি আব আমি

উগ্র। বেশ।

অলকা। সুরাপান করুন মহারাজ। আমি নৃত্য দিয়ে আপনার মনের  
পরিভূষ্টি সাধন করি।

বাঁজা সুরাপান বাবো লাগিলেন,  
অলকানন্দা নাচিতে লাগিল, আব  
মনে মনে বলিতে লাগিল

অলকা। কানাই! এই তো আমার প্রয়োজনেব ক্ষণ উপস্থিত, তোমার  
কথা বাখো—কবিকে এনে দাও...আমার কবিকে এনে দাও!

উগ্র। এস অলকানন্দা, একটু সুরাপান করো! নৃত্যে তোমার প্রাণ  
নেই, প্রাণ দাও—প্রাণ দাও! এমন নাচ নাচো—যা দেখে  
শিরায় শিবাষ রক্তশ্রোত চঞ্চল হ'য়ে ওঠে।

অলকা। পূর্ণিমায শেষ-রাত্রেব ক্লাস্ত চাঁদকে পূর্বদিগন্ত আলো করবার  
ভার দেবেন না মহাবাজ, তার তখন পশ্চিম দিগন্তে অস্তিম  
আলোর সমাবোহ! কই, দিন সুরা!

বাঁজাব হাত হইতে পাত্র লইয়া পান  
বিলি এব, সঙ্গে সঙ্গে বা হাতেব  
বিষ-অঙ্গুরীয়কে চুষন করিতে  
লাগিল। পরে হঠাৎ উদ্দাম নৃত্যে  
ঝাঁপাইয়া পড়িল। কিছুক্ষণ পবে  
নাচিব ছন্দ কাটিয়া যাইতে লাগিল,  
নর্তকীব অঙ্গ প্রত্যঙ্গ শিথিল হইতে  
সুরু কবিয়াছে। সে টলিতে টলিতে  
তাল ঠিক বাঁধিবাব চেষ্টা করিতে  
লাগিল

## তুমি আর আমি

অলকা। কানাই...আমি তো ভুল দেখিনি...কই তুমি তোমার কথা রাখলে ভাই ?

নেপথ্যে শোনা গেল—কানাইয়ের কণ্ঠ

নেপথ্যে কানাই। ও কবি। দৌড়ে এস—দৌড়ে এস—দেবী করলেই খেলা শেষ হ'বে যাবে।

অলকা। কানাই ! কবি কোথায় ? কবি ?

কানাই ও অরুণের প্রবেশ

অরুণ। অলকানন্দা।

অলকা। কবি।

অরুণ। তুমি নাকি এই মূর্থ বাজাকে দেহ-দান করছো ?

অলকা। হ্যাঁ। আমার এই দেহদান উৎসবে সাক্ষী থাকবে তুমি। তুমি হবে পুৰোহিত এই উৎসবের। উৎসব শেষে আমার এত দেহ তুমি নিজের হাতে অর্ঘ্য দিও, ওব ওই প্রদীপ্ত কামানলে !

অরুণ। তুমি যে কথা বলতে পারছো না অলকানন্দা, তোমার ভাল কেটে যাচ্ছে—তুমি টলে টলে পড়ছো। কী হয়েছে—অলকানন্দা—কী হয়েছে ?

অলকা। আমি বিষ খেয়েছি। বিষের ক্রিয়া ছড়িয়ে পড়েছে আমার সর্বান্নে। একটু পরেই আমার এই নর্তকী জীবনের উপর যবনিকা পড়বে। কবি !

অরুণ। কী সর্বনাশ করেছে তুমি অলকানন্দা !

অলকা। ঠিক করেছি—আমি ঠিক করেছি। একটা অনুরোধ রাখবে—কবি ?

## তুমি আর আমি

অকপ। বলো!

অলকা। আমার নাচের শক্তি এখনো শেষ হয়ে যায়নি কবি।  
নিব্বাণোন্মুখ প্রদীপের শেষ উজ্জ্বল শিখার মত আর একবার  
প্রাণ দিয়ে—আমার সমস্ত চেতনা দিয়ে—আমি নাচতে চাই।  
একটা গান গাইবে?

অকপ। গান?

অলকা। হ্যাঁ, আমার নামেব একটা গান। আমার নামকে গান দিয়ে  
জড়িয়ে বাথ তোমাব কণ্ঠে, নইলে আমার নামতো তোমার  
মনে থাকবে না। কাণে কাণে শোনাতে হ'ল না—তাই গানে  
গানে ডাকো আমার নাম। ডাকো কবি—ডাকো—

অকপ গান ধবিল, অলকাব মুখ উজ্জ্বল  
হুইয়া উঠিল, সে প্রাণপণ শক্তিতে  
নবোত্তমে নাচিতে সুরু কবিল।

### গান

আমাব গানেব ছন্দ বাজুক  
তোমাব নুপুরে হে অলকানন্দা  
দেহ দীপের জলুক শিখা আমার স্তবে সুরে  
হে মোর মধু ছন্দা হে অলকানন্দা  
আমাব ধূপের গন্ধ গানে কোন অমরার স্বপ্ন আনে  
বন্দনাতে ফোটাও তুমি মনের নিশি গন্ধা  
হে অলকানন্দা

## তুমি আর আমি

---

নৃত্যে তোমার প্রণাম হবে প্রেমের পূজারিনী  
কোন দেবতাব প্রসাদ তুমি ছায় গো বিবহিনী  
তোমার দেহেব এই আরতি  
নৃত্যে বচে তাব প্রগতি  
তোমাব লীলায় তারাব মালায়  
জ্বালে এ কোন নক্ষা  
হে অলকানন্দা

ধাব ধাবে নর্তকীব চরণ শিখিল হইয়া  
গেল, এবং নাচিতে নাচিতে সে  
কবির কোলে মাথা বাখিয়া শেষ  
নিঃশ্বাস ত্যাগ কবিল। কবির দুই  
চোখে জল, কণ্ঠে গান। সে গাহিতে  
গাহিতেই অলকানন্দাব দেহ তুলিয়া  
উঠিয়া দাঁড়াইল। বাজা উগ্রসেন  
লোভার্জের মত হাত পাতিলেন  
কিন্তু দেখিতে দেখিতে তিনি হাঁটু  
পাতিয়া বসিলেন এবং তাঁহার  
দান গ্রহণেব অঞ্জলি প্রণামেব  
অঞ্জলিতে রূপান্তরিত হইয়া গেল।  
মৃৎ ও ককণ স্বাক্ষবেব মধ্যে শেষদৃশ্য  
নামতে লাগিল।

## দুই

গ্রীণকম।

দ্রুতপদে আন্টি, সমাব, শতদল মলয়েব প্রবেশ

শত। এখানেই মালা বদলেব সব ব্যবস্থা ঠিক করে রেখেছি। একটু চুপ কবে বসুন আন্টি, এক্ষুনি ওবা সব এসে পড়বে! আজ দিনটাও ভাল। অমাবস্তা মঘা তেবস্পর্শ সব এক সঙ্গে পড়েছে।

আন্টি। My Goodness. শেষকালে সত্যই কি সমীরের সঙ্গে—

শত। উপায় কি? গল্প শুনেছি, অনেকে বিপদে পড়লে নব্বুই বছরের বুড়োকেও বিয়ে করে। সমীরতো ছেলে মানুষ।

আন্টি। আচ্ছা কোন রকমে কী এর একটা ব্যবস্থা কবা যায় না শতদল?

শত। নাঃ। কিটি। মালা নিয়ে এস।

কিটিব প্রবেশ]

কিটি। এই যে মালা। কাকে দেব?

শত। প্রার্থীর অভাব নেই। তবে—

কিটি। ইস্।

শতদল নিজের কপালে ঘা মারিল

সমীর। আমাকে ধরে বেঁধে এমনভাবে বলি দেওয়া কি তোমাদের উচিত হচ্ছে তাই? একটা পাঠারও স্বাধীন ইচ্ছে থাকে, আর আমার—

## তুমি আর আমি

মলয় । ( মুহূৰ্ত্তে ) তুমি পাঠারও অধম । নইলে ফাষ্ট এণ্ট্রিল করতে  
আণ্টির ঘরে গিয়ে ঢোকো ? ধর মালা—বোস্ এইখানে—

শত । এস আমরা চিয়াস্ দিয়ে এবর পেকে সরে বাই । কারণ মালা  
দানের মুহূৰ্ত্তটি নিভৃত হওয়া দরকার । Three cheers for  
auntie-samir Hip Hip Hip—

সকলে । Hurrah !

সকলে চলিয়া গেল । আণ্টি ও সমীর  
দুই গাছ মালা হাতে কবিয়া  
বপবীত দিকে মুখ কবিয়া বসিলেন ।  
চোখাচোখী হইতেই দুই জনে  
কাঁদিয়া উঠিলেন

আণ্টি । আমি তোমার মুখের দিকে চেয়ে তোমাকে মালা দিতে  
পারবো না সমীর । তোমার গলাটা পেছন থেকে এগিয়ে আনো,  
আমি মালা তোমার গলায় ফেলে দিচ্ছি !

সমীর । ( কাঁদিয়া ) আপনিও গলাটা এগিয়ে আনুন আণ্টি !

উভয়ে হাত তুলিতেই প্রবেশ করিল  
প্রমত্ত । সে হস্ত দস্ত হইয়া কহিল

প্রমত্ত । যা ভেবেছি তাই । ডলি আবার কোথায় পালিয়েছে, এ আবার  
কি সং রে বাবা ! ও মশায় ওনছেন ? ও মশায় !

তাহাদের মাঝে গলাটা আনিলে দুই গাছ  
মালা তাহার গলায় পড়িল । আণ্টি  
ও সমীৰ ফিরিয়া চাহিয়া আবার হ  
হ করিয়া কাঁদিয়া উঠিলেন । ডলির  
প্রবেশ



## তুমি আর আমি

ডলি। (কাঁদিয়া) হ্যাঁগা! একি! বুড়ো বয়সে একী সৰ্ব্বনাশ করলে  
তুমি আমার! মাসীমা গো আপনার মনে এই ছিল!

প্রমত্ত। (কাঁদিয়া) ডলিবে! আমাকে না বলে না কয়ে টপাস্ করে  
মালা ছুটো আমার গলায় ফেলে দিলে। ওরে তুই যে আমার  
শিবরাত্রিরেব সল্‌তে। ধব্‌। একটা মালা তুই নে। (ডলির  
গলায় পরাইয়া দিল) আর এই কারবারে থেকে কাজ নেই।  
বাড়ী চল্‌। আমরা আলাদা ঠিয়াটার করবো!

ডলি। তুমি আর আমি?

প্রমত্ত। হ্যাঁ।

আন্টি। My Goodness, Smelling salt.

হৈ হৈ কবিয়া ঘরের মধ্যে অস্ত্রান্ত ছেলে  
মেয়েবা ঢুকিয়া পড়িল। কিটি আন্টিকে  
ও মিল সমীরকে স্মেলিং সল্ট  
গুঁকাইতে লাগিল

ইতি

